





SVBIECIT REGNA.

IMAGINES
SANC TORVM
ORD.S.BENEDICTI
Tabellis æreis expref-
sæ cum eulogiis ex
eorundem vitis ?

AUCTORE

R.P.F. Carolo Stengelio
eiusd. Ord. Mon. SS. Valrici
& Afræ Aug. Vind. Professo.

M. DC. XXV §



VICIT HÆRESES.



CONVERTIT GENTES.



PENETR. INFERIORA TERRÆ




CONSTRVXIT ECCLESIAS.



MARTYRI PALMAMERUIT



FVNDVIT ACADEMIAS



REVEREN-
DISSIMIS, NOBI-
LIBVS, ET AMPLIS-
SIMIS IN CHRISTO PA-
TRIBVS AC DOMINIS, MONA-
steriorum Ord. S. Benedicti in Austria, nec
non Finitimis Styria & Ca-
rinthia.

DD. ABBATIBVS.

F. CAROLVS STENGELIVS F. P.



Refert ex Euhemero Firmianus Laſantius *lib. i. de falſa Relig. c. 22.* (REVERENDISSIMI, NOBILES & AMPLISSIMI PRÆSVLES) Iouem cum terras circuiret, in quamcumq; regionem venerat, reges principesve populorum hospitio ſibi & amicitia copulauiffe; & cum à quoque digrederetur, impetraſſe fanum hoſpitis ſui nomine; *quaſi ita poſſet amicitia, & faderis memoriâ conſeruari. Sic conſtituta ſunt*, inquit Laſantius, *templa Ioui Atabyrio, Ioui Labrudeo. Atabyrius enim & Labrudeus hoſpites eius, atq; adiutores in bello fue-*
runt.

runr. Item Ioui Laprio, Ioui Molioni, Ioui Cassio, & quæ sunt in eundem modum, Et paulò post. Hoc modo religionem cultus sui per orbem terræ Iupiter seminauit, & exemplum cæteris ad imitandum dedit.

Multò sanctiore exemplo Magnus ille Ordinis Nostri Conditor BENEDICTVS cùm adhuc inter mortales æuum ageret, plurimos in regulæ vitæque suæ societatem traxit, nec ab illis vñquam digressus est, quin præclaram hospitii fæderisque sui memoriam post se relinqueret. Passim illius nomine & auctoritate templa, passim Monasteria erigebantur. Quæ tanto illi honorificentiora erant, quanto minus ea sibi ambiuit. Neque enim sibi ipsi inde nomen quæsiuit, vt Iupiter ille, sed seruis Numinis ædes constitui, cultui Numinis templa voluit creari, vt & homines essent, qui Numen impensius celebrarent, & loca forent quibus Numen impensius celebraretur. Itaque cum ipso Dei cultu nominis sui memoriam vel inuitus propagauit. Nequaquam tamen & Deo inuito. Qui amicos suos nimis vult esse *honoratos*.

Quare quod in BENEDICTO fecit, idem executus est & in imitatoribus BENEDICTI; quorum historias & præclara facinora voluit perpetuò versari ante oculos posterorum.

Ego igitur vt & ipse non modò BENEDICTI, sed etiam BENEDICTINORVM vestigia tanto alacrius sectarer, & alios ad idem præstandum, pro modulo meo, incenderem, id vnum ferè à multis iam annis operam dedi; vt eorum nomen atque laudes ab obliuione vindicarem. Et quoniam iam magna volumina, velut magna quædam templa, tantillo ingenii doctrinæque meæ ære exædificare non possum, paruos saltem libellos veluti facella quædam extruo, quibus tantorum luminum fulgores si non plenè perspicui, saltem de radiis suis cognosci possunt. Et quis scit an non his ipsis id efficiam, quod fortasse illis non impetrarem? Sæpe opusculis maior inest gratia, quam operibus. Multi gratæ se breuitati permittunt, quos molesta prolixitas fatigauisset.

Inter hæc ergo talia mea opuscula, & ista Sanctorum nostrorum Elogia Imaginibus atque iconismis eorundem addita sunt. Pauca, fateor, & quæ de millibus, quæ iam collecta in scriniis meis lucem expectant, vix prægustum aliquem dent: sed tamen vel idcirco non contemnenda, primò quia illorum sunt, qui meruerunt, elogia: secundò, quia aliorum præclara exempla. Et, ni fallor, hoc ipsum monet Apostolus dum ait, *Heb. 13. Mementote præpositorum vestrorum, qui vobis locuti sunt verbum Dei: quorum intuentes exitum, conuersationis, imitamini fidem.* Ob hanc ipsam causam Romanis olim profuit imagines proauorum in bibliothecis, veteres ceras in atriis collocare,

———— pictosq; ostendere vultus

Maiorum, & stantes in curribus Æmilianos,

Et Curios iam dimidios, humerosq; minorem

Coruinum, & Galbam auriculis nasq; minorem.

denique ————— multâ deducere virgâ

Fumosos Equitû cum Dictatore magistros, inquit Iuuenalis Sat. 8. ne scilicet coram Lepidis, Paullis, Cossis, vel Drusis malè viueretur. Itaque par est, vt & nos Laudemus viros gloriosos & parentes nostros in generatione sua. Eccles. 44. Inueniemus nò solùm sanctos ipsa antiquitate sua venerandos, sed etiam in curribus & acie stantes Æmilianos, sed Curios iam dimidios, sed auriculis, aliisq; membris carentes Martyres; qui per fidem vicerunt regna, operati sunt iustitiam, adepti sunt reprobationes, obturauerunt ora leonum, extinxerunt impetum ignis, effugerunt aciem gladii, conualuerunt de infirmitate, fortes facti sunt in bello, castra verterunt exterorum; acceperunt mulieres de resurrectione mortuos suos. Alij autem discenti sunt, non suscipientes redemptionem, vt meliorem inuenirent resurrectionem. Alij vero ludibria & verbera experti, in super & vincula & carceres: lapidati sunt, secti sunt, tentati sunt, in occasione gladii mortui sunt, circumierunt in melotis, in pellibus caprinis, egentes, angu-

fiati, afflicti: quibus dignus non erat mundus: in solitudinibus errantes, in montibus & speluncis, & cauernis terræ. Hebr. II.

Hostales imaginibus, immò imitatione, immò Vobis (REVERENDISSIMI PRÆSVLES) dignos esse cùm non dubitarem, animum appuli ad eos non solum Encomiis, aut saltem breuibus Elogiis, iconisq; exornandos, sed etiam Vobis, *qui statis in atris domus Domini* proponendis, dedicandisq; . Et vel idcirco maximè, quia nemo eos dignius aspicit, quam qui imitatur. Porro Vos eorum imitatores esse, non est quod multis ostendam. Testatur id inferior, superiorq; Austria. Testatur totus Styriæ Carinthiæq; tractus. Testantur variæ Academiæ in quibus & ipsi vsque ad tummos Theologiæ apices ascendistis, & Religiosos Vestros tanta adhuc curâ ad omnem eruditionem enutritis. Testantur id & honores Theologici, ad quos multi Vestrum sunt promoti. Scilicet non satis fuit, Vos didicisse. Ita didicistis, vt & ipsi Doctores esse possētis. Testantur ipsa Prouinciarum comitia; testantur Cæsarum Regumq; concilia: Neque enim Consiliarii tantum optimi, sed optimorum etiam consiliorum Præsides estis. Testantur denique tot florentissima Cænobia, & florentissimi Cænobiorum Religiosi, qui Vestrâ prudentiâ, eruditione, pietate; ad hunc florem, ad hanc eruditionem, ad istam pietatem peruenerunt. Quæ omnia, ac plura alia testantur, Vos maiorum nostrorum & illustres imitatores esse, & tales in terris viuere, vt & ipsi mereamini inter eos cum Elogiis reponi, quorum alii sint imitatores. Valete, & opellam meam

Vobis acceptam esse sinite. Augustæ Vind. Cal.

Ian. anni Sacri Iubilæi

MDCXXV.

FACULTAS.

Imagines & Eulogia Sanctorum Ordinis S. Benedicti R. P. Fr. Caroli Stengellii in publicum dari permitto.

*PETRVS Episcopus Adramyttenus
Suffraganeus & Vicarius
Augustanus.*

I. IANVA-



Sanct. ODILO Aruerniæ oriundus ex Clerico Briuatensi Monachum professus in Cluniacensi Cœnobio, post Maiolum sanctum Abbatem Cluniacensem, qui in Cluniaco magnum sui apud posteros vitæ & miraculis exemplum reliquit; præficitur ipsi Cœnobio; quod per annos LVI. miro religionis feruore rexit, & prouexit. Qui egregia & maximâ pietate insignis non solum vitæ exemplis, sed miraculis in vitâ suâ claruit. Qui cum reprehenderetur quod in peccantes minùs durior iusto esse videretur, *Si damnandus sum, inquit, malo damnari de misericordia, quam de duriâ.* Erga beatissimam DEI genitricem MARIAM ardentissimâ deuotione flagrabat, ita vt constitutus in choro psallentium, cum ad illum veniretur ex modulantium alternatione versiculum: *Tu ad liberandum suscepturus hominem, non horruisti Virginis uterum,* in terram se repentè prosterneret, sicq; per corpus ostenderet, quibus desiderij cœlestis in mente facibus æstua-

ret. Commemorationem omnium defunctorum post festum omnium Sanctorum in Burgundiâ primùm adinuenit & instituit. Quod quidem sanctum institutum ad omnes Ecclesias Ioannes XVI. Pontifex obseruandum transmissit & approbavit. Is anno incarnationis MXLVIII. nocte circumsionis beatum spiritum reddidit DEO. *Ex vita per*
B. Pet. Dam.



S. ODILO ABBAS ORD. S. BEN.

Hic primus Commemorationem omnium fidelium defunctorum
prima die post festum omnium SS. in suis monasterijs fieri præ-
cepit. quem ritum postea universalis Ecclesia recipiens approbavit.

Obijt Cal. Ian. A.C. cxxlviii.

W.ilian.f.

SADALARDVS regio genere natus, & Bernardi fratris Pipini regis Franciæ filius, rebus huius seculi spreto atq; contemptis, vigesimo ætatis anno fit monachus: de quo illud legitur, quod quotidie bis saltem, mane ac vespere, sua alienaq; peccata, profusis vberissime lachrymis, deploraret Abbas autem S. PETRI Corbeia in Galliâ creatus, ita omni virtute floruit, vt Antonij sanctissimi Abbatis nomine, illum aliqui appellarent. Construxit etiam aliud Cœnobium Corbeia nomine, in Saxoniâ, supra litus Wisiræ fluminis, in honorem S. VITI Martyris anno Domini DCCCXXII.

Tandem meritorum magnitudine cumulatus, ætate in Religionis studio actâ, animam DEO reddidit IV. Non. Ian. circa annum CHRISTI DCCCXXXVI. Sepulchro additum hoc Epitaphium.

*Hic jacet eximius meritis venerabilis Abba,
 Noster ADELHARDVS, dignus honore senex.
 Regia prosapiæ, Paradisi jure colonus,
 Vir charitate probus, moribus, atq; fide.
 Quem dum sub titulo recolis tu quisq; viator,
 Cerne quid es, quideris, mors quia cuncta rapit.
 Nam post octauas Domini hic carne solutus
 Succedente die astra petiuit ouans.*

Ex vita ap. Sur.



S. ADELARDVS ABBAS ORD. S. BENEDICTI.

DONO LACRIMARVM CLARVS.

Casaris & Regum quondam prædicator in aulâ,
Abbas Corbeia post ADELARDVS erat.

.DM.

S MAVRVS patriâ Romanus, ex clarissimo Senatorum genere ortus, patre Æquitio, matre verò Iuliâ, cùm adhuc puer duodecim esset annorum, Deo & sancto Benedicto oblatu, breui tantùm diuina gratiâ profecit, vt ipsi Magistro admirationi esset: qui illum sapè, veluti regularis obseruantia, & virtutum omnium specimen, ceteris discipulis ad imitandum proponebat Cuius adhuc adolescentis, illud admirabilis obedientia exemplum à Sancto Gregorio Papâ commemoratur. Nam cùm Placidus monachus in lacum prolapsus, aquarum impetu raperetur, sancti patris iussu accurrens Maurus, & super aquas incedens, socium capillis apprehensum ad terram attraxit. Continentia tantâ fuit, vt per Quadragesimam bis tantum in hebdomadâ, & quidem parcissimè cibum sumeret. Somnum stans: vel cum nimia cum lassitudo compulisset, sedendo, super aggestum calcis & sabuli strato cilicio, capiebat. Missus in Galliam ab eodem sancto Benedicto, celebri Monasterio extructo, cui annos quadraginta præfuit, monasticam disciplinam mirificè propagauit.

Deniq; sanctitate & innumeris claris miraculis, migrauit in cælum, cum in religione annos LXII. vixisset, & in Gallia XLI. essetq; ætatis annorum, LXXIV. anno Christi DLXXXIII. XVIII. Kal. Febr. Sepultus primùm in Monasterio Glanofoliensi, quod ipse Andegauis construxerat. Nunc verò pars corporis, eaq; maxima Parisiis, pars altera Secusij in-

tra Pedemontias alpes, digno honore condita sunt. *Ex vna ap. Sur.*



S. MAVRVS ABBAS

Romae patre Eusebio Senatore viro illustri natus S. Benedicto quodenniis obla-
tus tanta fuit obedientia. ut ad erigendum e lacu puerum Placidum in usus.
suo pede. nil aduertens super aquas cucurrerit. Missus in Gallias Monasti-
cum Ordinem mirifice propagauit Deniq. sanctitate & miraculis clarus
septuagenario maior migravit in celum XV. Ianuarij. A. D. LXXXIV.

S BONITVS patre Theodato, matre Syagriâ natus. Adolefcens in aula regis primos honores confeçutus eſt, ita vt etiam præfecturam Maſſilienſem acceperit, quam etiam ſummâ æquitate & dexteritate adminiſtrauit, in pauperes & captiuos præcipuè miſericors. ſibi verò ipſi rigidus. Succellit dein Auito fratri in Episcopatu Aruernenſi, ſed poſtea arctioris vitæ ſtudio inflammatus Episcopatu relicto Monasterium Magnilocenſe petijt, monaſticoq; habitu ſumpto, in bonis operibus perſeuerans, clarus miraculis quieuit in Domino XV. Ian. *Idem cum ſe totum contuliſſet ad perfectè amandum Chriſtum, & eius ſanctiſſimam Genitricem, quodam tempore cum turbis ingreſſus templum S. Michaelis, in angulum ſe abdedit. Peractis myſteriis, alijs abſcedentibus, ille in ſuo permanſit latibulo; talisq; ei prolixè oranti viſio oblata eſt: Repente è cælo inſonuit vox tanquam ſuauiſ melodiæ, & micantibus luminariſ vir Sanctus quaſi multitudinem quandam conſpexit eò aduentantium. Ingreſſa autem in templum eſt V. M. MARIA cum candidiſſimo Angelorum & Sanctorum hominum cœtu, tanquam Regina circumſtante exercitu. Cantabant autem omnes illi laudes Chriſto & Matri eius: Atq; ipſa etiam ſanctiſſima Virgo in laudibus Filij ſui vocem exercebat ſuam. Procedebant autem per medium templi chorum; cumq; ventum eſſet ad Altare, quaſitum eſt à Sanctis nonnullis, quiſnam Miſſam celebraret. Tum Virgo Beata: Ecce, inquit, adeſt hic Bonitus, Præſul verè bonus, & benè dignus, cui hoc muneris demandetur. Audiens hoc ille extimuit, ſeq; ſubducere conabatur: cui ſanè lapis ceſſit, in quo hodieq; eius rei apparent veſtigia. Tandem quaſitus, & inventus, ad illum beatiſſimum Conuentum perductus eſt, Sanctiſq; miniſtrantibus, veſtibus ſacris indutus eſt, & diuina ara applicatus. Conſummato autem ea, quâ par erat, ratione ſancto illo opere, Beatiffima Virgo vafeſaciens dilecto ſuo, pro munere cœleſtem illi candoris eximij veſtem largita eſt.*

Ex vita ap. Sur.



S. BONITVS EPISCOPVS ORD. S. BEN.
 Aruernorum Prasul cum esset, ei noctu in ecclesia per-
 noctanti B.V. Maria Angelorum et sanctorum stipata
 choro apparuit, et uestem mirificam obtulit. Obijt
 XV. Ian. circa. DCCXXVI.

SILLEPHONSUS, natione Hispanus, Toleti nobilissimis, Stephano & Lucia parentibus ortus, Monachus primum, dein Abbas Agalicensis, tandem Eugenio vitâ functo, Archiepiscopus est creatus. Iis temporibus ex Gallia Gothica Pelagius quidam, & Helladius profecti, veteris Heluidij insaniæ scintillas in Hispania exsuscitare caperant, MARIAM virginem negantes perpetuò virginitatem retinuisse. Horum furorem sibi ILLERONSUS impugnandum sumpsit cominus disputando, eminus libro evulgato, in quo perpetuæ virginitatis MARIE patrocinium suscepit. Eâ diligentia erroris semina dissipata, compressiq; nefarii eorum impostorum conatus: operæ navatæ merces vestis de cælo allata fuit. Cùm enim aliquando ad nocturnas preces persolvendas contenderet, templum maximum visum est maiori fulgore micare, quàm ut oculi mortales ferrent. Tunc ceteris aliò atq; aliò dilapsis præ terrore, ad aram ipse progressus, cùm nixus de more genibus preces funderet, in cathedrâ vnde is ad populum concionarierat solitus, adstantem beatam Virginem in augustiori quàm pro humano habitu specie vidit, his eum verbis compellantem: *Culte in tuo corpore virginitatis defensa premium erit ex cælesti thesauro munus allatum.* Inter hæc verba vestem suis manibus capiti inferuit, Hac inquit, filij mei, mea q; quæ toto anno recurrunt festa celebrato. Aliquando etiam ipso sacris operante S. Leocadia tumulto egressa, manum Ille-fons tangens in hæc verba prorupit. *Ille fons per te vivit Domina mea.* Obijt plenus sanctitate X. Kal. Febr. A. C.

DCLXVII. Ex vita & Script. Hisp.




SALDEGVNDIS Virgo, Soror B. Waldetrudis, Angeli admonitu, in virginali puritate perpetuò perseveravit. Prouoluta pedibus S. Amandi Episcopi, sacro se velamine donari postulavit. Tam ardentè ad perfectionem exarsit, vt corrasis vndecunq; maiorum suorum thesauris, eosdem pauperibus distribuerit, vili tantum vestimento ex omnibus sibi reseruato, quam erga inopes liberalitatem gratam sibi esse, miraculo Christus ostendit. Eodem namq; die, quo tam benigna in pauperes extiterat, cum lassatus corporis vires, aquæ haustu reficere vellet, sensit illico aquam vinum factam.

Inter alia diuinæ consolationis beneficia, angelicâ frequenter visitatione roborabatur, ita vt nulla vnquam grauiori tristitia absorpta fuerit. Dum nocte quadam in Ecclesiâ precibus incumberet, meruit in ecstasi gloriosum S. Amandi ex hac vita transitum contemplari, & angelica voce præmoneri, vt se ad eandem cælestis gloriæ coronam breui percipiendam compararet. Cum porrò obitus sui diem jam instare cognouisset, multis lachrymis à Domino postulavit, vt ab omni peccati contagione in hac vita, per aduersa purgari mereretur. Demum superatis grauib; Diaboli insidiis, magno cum splendoris cælestis lumine, in cælum migravit III. Kal. Febr. Fundauit Malbodium monasterium in Hannoniæ civitate, in eoq; prima fuit Abbâtissa. Flo-

ruit sub Dagoberto rege Francorum circa annum

Domini DCXL. Ex vita, & Mol. Natal.






S. ALDEGONDIS MALBODIENSIVM PATRONA

*Nemo tuis certet modulis Virgo aurea, cordis
Nam segrebit ebordas Aliger ille tunc eo.*

S AMNICHADVS monachus Fuldenſis, natione Scotus, hac occasione Fuldam venit. Richardus Abbas ibidem, cū aduenas transmare monachos S. BENEDICTI noſſet, inſignis perfectioris vitæ ſtudio ac ſeueritate, diſciplinæ ex SCOTIA veniſſe in Germaniam, dedit operam, vt ad excutiendum ſuorum torporem, & accendendam exemplo virtutem, complures Scotiæ gentis monachos Fuldam accerſeret; horumq; accuratis vitæ, doctrinæq; ſtudijs, veterum pietatem ac eruditionem apud ſuos excitaret. Inter quos AMNICHADVS innocentix famâ & vitæ ſanctimoniâ clarus, cum ſequeret magno deſiderio ſolitudinis & amoris CHR.ISTI, iſtic priſco ritu arctius incluſus eâ ſanctitatis opinione vixit, vt ſuper eius ſepulchrum & cæleſtia viſa lumina, hauſtæq; voces Angelicæ pſalmodiæ. Obijt III. Cal. Febr.

anno Domini MXLIII. *Ex antiq. Fuld.*

Brouneri.





B. AMICHADVS SCÖTVS ORD.S. BEN

Hic prior fuit in Fuldensi monasterio inclusus arctius, ea sancti
 patris opinione vixit ut super eius sepulchrum es caelestia visa lumina
 hauserit voces angelica plauderet. Obijt a^{no} MXLIII. xxx. Jan.

S **LAVRENTIVS** natione Romanus, vnà cum S. Augustino & cæteris Monachis à S. Gregorio Papà in Angliam missus, vir doctrinà & moribus clarus, quem sibi adhuc superstes successorem delegit Augustinus, ne se mortuo Ecclesia recens posita, pastore vel modico tempore destituta, ad gentilismum relaberetur; statim atq; Archiepiscopatus gradu potitus est, religionem Christianam promouere atq; stabilire omni diligentia, studio, sollicitudine, crebris exhortationibus, & continuis bonorum operum exemplis adnuitur: neq; solum recentis Anglicanæ Ecclesiæ curam gessit, sed etiam Britannos veteres, qui metu Anglorum in desertis Walliæ sese abdiderant, Scotos etiam, & Hybernos adhuc in Christianæ fidei dogmate rudiores plenius erudire, & ad rectam Paschæ celebrationem studuit perducere. Cum Britanniam ob Edbaldi Regis impietatem relinquere decreuisset, lectum sibi in Ecclesia Apostolorum Petri & Pauli sterni iubet, in quo postquam recubisset, multis precibus, suspiriis & lachrymis, Ecclesiæ salutem & incolumitatem Deo commendauit. Quamprimum verò obdormisset, illico ei visus est in somnis adesse S. Petrus, ipsum corripere, castigare, loris & flagellis cedere, quod immemor mandati Augustini & officij sui, metu supplicij gregem Christi sibi commissum lupis rapacibus laniandum relinqueret. His B. Petri flagellis & monitis instructus **S. LAVRENTIVS** manè facto ad Regem contendit, & reiectis vestimentis, quantis esset verberibus concisus, ostendit. Is re novitate percussus, delicti veniam à **LAVRENTIO** petijt, ac Christi fide susceptâ repudiatoq; protinus turpi coniugio ad sanitatem redijt, ante actâ deniq; vita emendata, susceptam fidem præclaris admodum pietatis iustitiæq; operibus declarauit. Sub cuius felici regimine **S. LAVRENTIVS** laboris sui mercedem recepit IV. Non. Febr. Ex

V. Bed. lib. 2. cap. 4.



SS. AVGVSTINVS. MELLIVS. PETEVS. IVSTVS. PAVLINVS. LAVRENCIVS.

IOHANNES. ORD. S. BEN.

GREGORIũ iussu diuisos orbe BRITANNOS
AVGVSTINVS adũ CHRISTICOLAS facit.

S A N S G A R I V S præclarus regionum Aquilonarium Apostolus, sedit in Episcopatu annis XXXIV. primis annis VII. Hamburgi; deinde post Barbaricam Hamburgi vastationem annis IX. in Ransolâ; reliquis vero annis Bremæ, ubi in matrice Ecclesiâ S. Petri sepultus est, in quâ & ipse S. Willehadum transtulerat. In primò adolescentiæ flore Regulam S. Benedicti professus est in Francicâ Corbeiâ, atq; inde postea in novam Saxoniam Corbeiam commigravit. Vbi cum ageret, contigit vt Haraldus Rex Danorum à Ludovico Augusto auxilium peteret: quod ei Imperator se laturum promisit, si vellet ei fidem Christianam profiteri. Itaq; fidem Christianam Rex ille recepit, atq; adeò Imperator eum de sacro forte leuavit, & in filium adoptavit. Deniq; cum vterq; quæreretur prædicatorem in Aquilonarem regionem mittendum, vtrò sese A N S G A R I V S ad hoc obtulit, nihil territus barbaricæ gentis crudelitate. Atq; hac occasione, magno Episcoporum, & Principum habito consensu, consecratus est Archiepiscopus Danorum, Suedorum, Sclavorum, & omnium Aquilonarium regionum, per manus scilicet Drogonis Præsulis Metensis, auctoritate Gregorij IV. sede in ciuitate Hamburgensi constituta.

Et sanè exinde sanctus Pater creditum sibi ingentes legationis officium strenuè obiuit: captiuos redimendo, tribulatos reficiendo, domesticos erudiendo, barbaris Evangelizando. Foris Apostolus, intus Monachus, nusquam visus est otiosus. Frisios quoq; adiens, castigauit eos pro labore Dominicæ diei; pertinacius verò agentes cælesti igne mulcavit. Obijt Bremæ III. Febr. A.C. DCCCLXVI.

Ex Harao & Molano.



S. ANSGARIVS ARCHIEP. ORD. S. BEN.
*Flu. & Hamburgensi Episcopo I. Bremens. Archiep. Suecorum,
 Gothorum, Danorum et Agalinorum partium Magnus Apostolus,
 obiit A.C. DCCCLX. III. Non. febr.*

B. MAVRVS RABANVS cognomento MAGNENTIVS, Fuldæ natus & sacro baptismate renatus fuit A. C. circiter DCCCLXXXVI. In monasterio Fuldensi adhuc juvenis Monachum induit, & tam moribus, quam scientiâ mirabiliter profecit, virtute, innocentia, & morum sanctimoniâ clarissimus. Excelluit enim multipliciterum cognitione; quare S. Odilo Abbas Cluniacensis sic eum prædicat: *RABANVS seculari scientiâ affatim eruditus: fide Catholicus spirituali scientiâ ad plenum edoctus, tale de laude S. Crucis texuit opus, & texendo perfecit, quo pretiosius ad videndum, amabilius ad legendum, dulcius ad retinendum, laboriosius ad scribendum non potest inveniri.* Item Trithemius: *Vir in divinis literis & scripturis eruditissimus, & in secularibus literis nobiliter doctus Philosophus, Rhetor, Astronomus, & Poeta subtilissimus, cui (ut absq; invidia loquar) nec Italia similem, nec Germania peperit equalem.* Sed & magno judicio, magnaq; antiquitatis peritia excellentissimus Cardinalis Baroni-
 us tale ei encomium posuit: *Emicuit planè RABANVS, ut fulgentissimum sidus, cuius quæ extant scripta tanquam lucis radij excellentiam demonstrant auctoris, ut & iisdem illustrata Germania gloriatur suum haud adeò imparem magnis habuisse Doctorem.*

Abbas creatus Fuldensis A. C. DCCCXXII. ætatis suæ XXXV. ut celestis ingenij ornamentis, & immensitate scientiarum, sic administrandi ratione, & ea percolendi, quæ præclare maiores inchoarant, clarum uti sidus inter Abbates emicuit.

Archiepiscopo Moguntinensis ordinatus est V. Kal. Iulij A. C. DCCCXLVII. Quid verò per nouem annos concilia frequentando, erroresque exstirpando, munificentia & liberalitatis argumento vario gesserit, neque publicæ fidei, neque privatae eius Ecclesiæ monumenta silent, *homo*, ut loquitur Trithemius, *in pauperes misericordissimus* Obijt sanctitate clarus IV. die Febr. A. C. DCCCLVI.

ætatis suæ circiter LXX. sepultus in S. Albani templo: inde verò Hallas

in Saxoniam translatus est ab Archiepiscopo & Cardinale Alberto A. C. MDXV. *Ex variis Scriptorib.*



S. RABANVS ARCHIEP. MOGVNT. E. D.
ORD: S. BENED.

*Plurima scripta manu Præful monumenta reliquit,
Atque famæscentes hic inopes aluit.*

S. RICHARDVS Rex Angliæ, pater fuit S. S. Wilebaldi & Wunebaldi, & S. B. Walburgæ Virginis. Exiit purpuram & vilem induit tunicam; dimisso sceptro accepit baculum: limina inuifit SS. & per loca deinde magis deuia, solitudinem petijt, Deo soli, solus vacaturus. Post longa deinde exilia, post multa cerramina; post famis, sitis & frigoris multimodas ærumnas, in Italiâ ciuitate Lucâ, cælo recipitur, VII. Idus Februarij, in Basilicâ S. Frigidiani sepultus. *Ex eius Epitaphio.*

NOTATIVNCVLA.

Non debuit hic (qui tot ordini Benediâino sidera lucidissima peperit) à liberis seungi, licet in dicto ordine professionem solennem nequaquam emisserit, cum tamen laborum & premiorum particeps fuerit.

S. RICHARDVS REX

*Potens in terra erit seme eius*

SCHOLASTICA virgo nobili loco Nursiæ nata, S. Benedicti Abbatis soror, fratris exemplum secuta. vitam monasticam apud M. Casinum, in loco, qui Plumbariola dicebatur, duxit, orationibus, jeuniis, vigiliis, piisque meditationibus addicta. Semel in anno, quoad vixit, in locum sub dicto monte, quod & Benedictus aliquot monachis comitatus descendere, venire consueverat. Postremò anno, cum de more Scholastica & Benedictus in eundem locum conuenissent, diemque de more summâ cum spiritus exultatione transgissent, Scholastica Benedictum ad Monasterium iam redire parantem, ut noctem illam apud se faceret, summopere rogat. Cum autem ille non annueret, quod nefas extra cænobium noctu morari esse diceret, illa Deum precata est, ut quod frater negarat, obtineret: ac illico coruscare, fulgurareque, & vehementer pluuere cepit, sicque Benedictus ad Scholasticam redire coactus, noctem illam de sacris rebus loquens cum sorore duxit in somnem. Manè Benedictus ob id, quod acciderat, sororem reprehendit, quæ se à Christo, quod ab eo obtinere non potuerat, petiisse, & impetrasse non negauit. Non multò post, cum S. Benedictus oraret, animam Scholasticæ instar columbæ candidæ in cælum ascendere conspicit. Descendens itaque corpus sororis tunc defunctæ elatum in tumulum sibi paratum intulit, ut, quemadmodum animo fuerant coniunctissimi, sic nec corpore post mortem essent separati. *Ex 2. lib. Dial.*

B. Greg. c. 33.



S. SCHOLASTICA .

S. Benedicti Abbatis soror, ab ipsa infantia Omnipotenti Deo consecrata non procul à Cassino monte augebat sanctissime, ac tandem miraculis clara quiescit in pace die. X. Februarij, adhuc superstite S. Benedicto. qui et ipsius animam in specie columbe, calū penetrare conspexit.

S P E T R U S D A M I A N U S Rauennæ humili quidem loco natus, sed eos in literis & vitæ sanctimoniâ progressus fecit, vt Ecclesiam postea maximè illustrârit. Is carnem suam cilicio ieiuniis, disciplinis, & vigiliis, præsidio. orationis adhibito domabat, ita vt si quando stimulis illius agigaretur, nocte in tempestâ electulo consurgens sese in aquam immergeret, quoad algorem membra rigerent. Deinde in Eremo Fontis Auellanæ habitum monasticum induit, eius deinde præfectus effectus, plurima construxit monasteria, plura parauit miracula. Stephanus IX. P. M. cognitâ viri doctrinâ & sanctitate, Romam accitum, invitum Cardinalem, & Episcopum Ostiensem creat. Suscepto munere ex obedientiâ pro Ecclesiâ plurimum, maximè verò in extinguendâ Nicolaitarum hæresi, quæ Romam infecerat, elaborauit. Mediolanum missus, eam Ecclesiam ad Romani Pontificis obedientiam reduxit. Multa fecit, scripsit, & docuit. Senio confectus à Pontifice Rauennam, vt ciuitatem ab Episcopo seductam ad Ecclesiam Romanam retraheret, destinatur. Quod cum egregiè præstitisset, dum, completâ legatione, Romam reuertitur, Fauentiæ in Monasterio DEI genitricis extra muros in morbum incidit.

Ex quo breui spiritum DEO reddidit anno CHRISTI MCXXX.

VII. Kal. Martii. *Ex diuersis scriptorib.*

S. PETRVS DAMIANVS.



B. PETRVS DAMIANVS CARD. E. POSTORD. S. BEN.
Cardineos titulos clauſtri poſponit amori;
Securè ad Superos tranſit EREMICOLA.

SSSS. LEANDER, FVLGENTIVS, FLORENTINA, & ISIDORVS. S tres sanctitate, & eruditione, ac pontificiâ dignitate illustrissimi fratres cum forore sanctimoniali, omnes singularia Hispaniæ decora atq; lumina, & quos illa meritò velut præcipuos fidei Doctores veneretur; quippe, quam illi ab Arianis propè excisam longo interuallo, quasi nouis infitis surculis, instaurârunt.

S. LEANDER ex Monacho Archiepiscopus Hispalensis, magnam habuit familiaritatem cum S. Gregorio Magno, qui in eius gratiam scripsit libros Moralium in Iob, & de cura Pastoralis. Interfuit atq; ad eò præfuit Concilio Toletano III. item Primo Hispalensi, multa edidit scripta, in quibus minimè fucata probitas mentis, & acumen ingenii perspicuè elucet. Obiit circiter A. C. DCI.

S. FVLGENTIVS, itidem ex Monacho Episcopus Astigitanus, vir sanctitate, eruditione, incenso aduersus Arianos odio fratribus similimus. Linguam Hebræam, Græcam, Arabicam, Syram, Latinam apprime calluit. Scripsit in sacram Scripturam complures libros. Eum Astigitani præcipuâ pietate complectuntur.

S. ISIDORVS Doctor & Legislato Hispaniarum, quadraginta annis rexit Ecclesiam Hispalensem, scriptis libris & miraculis clarissimus, obiit pridie Non. April. anno DCXXXVI. *Extitit quippe spiritu prophetiæ clarus, in elemosynis largus, hospitalitate præcipuus, corde serenus, in sententiâ verax, in iudicio iustus, in predicatione assiduus, in exhortatione latus, in lucrandis Deo animabus studiosus, in expositione Scripturarum cantus in consilio prouidus, in habitu humilis, in mensâ sobrius, in oratione deuotus, honestate præclarus: semper pro Eccesiâ, ac veritatis defensione pronus, & in omni bonitate cõspicius. Præterea pater extitit clericorum, doctor & sustentator monachorũ ac monialium, consolator merentium, tutamen pupillorum ac viduarum, leuamen oppressorum, defensor ciuium, attritor superborum, persecutor & malleus hereticorum, inquit*

Lucas Tudensis lib. 3. Chron.


SSSS. LEANDER, FVLGENTIVS, FLO-³⁵
RENTINA & ISIDORVS.



S SVITBERTVS Werdenſis Epiſcopus, Teiſterbandiæ, Weſtphaliæ, Batavia, Friſiæ, Boructuariorum, Saxonum, aliorumq̃ue Germaniæ populorum Apoſtolus, primùm Monachus. deinde Abbas in Angliâ, inde in Germaniam inferiorem miſſus eſt, anno DCXC. cum S. Willibrordo & aliis decem ſociis. à S. Egberto, propagandi Euangelii cauſâ; vt Beda in Hiſt. Angl. narrat. Venià Pipino Heriſtallio, Maiore domus regiæ, impetratâ, longè lateq̃ue verbum Dei ſparſit, & plurimas variis locis baſilicas excitauit. Vtque maiorem meſſem faceret, in Angliam reuerſus, anno DCCXCV. à S. Wilfrido, Merciorum Antiftite, conſecratus eſt Epiſcopus.

Anno DCCVIII. Coloniam Agrippinam ad Pleſtrudem Pipini coniugem, indeq̃ue Iupiliam, Moſæ adſitam, ad ipſum Pipinum ſe contulit, à quo VVerdam impetrauit, eoq̃; in loco monaſterium ædificauit, in diœceſi Coloniënſi haud procul à Rheno flumine. Anno DCCXIV. ad Pipinum Iupiliæ ægrotantem (qui Alpaidem pellicem iam antea dimiſerat) venit, cum Agilolpho Coloniënſi Archiepiſcopo. Anno demùm DCCXVII. laboribus fractus, VVerdæ Cæſaris Cal. Martij ſanctiſſimè moritur, (cum in vita plurimis & admirandis miraculis clâruiſſet) & in ſuo ibidem monaſterio ſepelitur, atque etiamnum colitur.

Relatus eſt in numerum Sanctorum anno DCCCIII. à Leone III. Pont. Max. *Ex actis ap. Sur. & alijs.*





S. SVIBERTVS EPISCOP' ORD. S. BENED.
 Hic Werda Antistes, apud Frisones, Bafanos. S alios
 Germaniae populos Euangelium praedicauit, quos cum
 Conuerisset ad Chrm, clarè miraculis geuit in pace. Cal:
 Martij. Anno: DCCXVII.

B RUPERTVS, venerabilis Tuitiensis Abbas, omnem officij pietatisque rationem adolefcens didicit in cœnobio S. Laurentij, ad muros vrbis Leodicensis, sub Perengario Abbate, & præceptore Heribrando, viro fideli & prudenti, qui Berengario in Regimine successit. In prædicti Monasterij templo hodieque imago DEIPARÆ visitur, cultu miraculisq; celebris, quam Rupertus summa in veneratione habuit. Nam studio incensus sacrarum literarum, anno MCXXI. tardiori ingenio remedium orans, à Virgine Matre impetrat, fusus in preces in eiusdem Monasterij Ecclesiâ, coram prædicta imagine lapideâ. Postea in Tuitio Abbas substitit, & inter Doctores Ecclesiæ claruit. Est autem Tuitium, ex opposito Coloniz Agrippinæ trans Rhenum, pagus ac monasterium illustre Benedictinorum, in quo, vt diximus, Rupertus scientiâ diuinitus acceptâ DEIPARÆ beneficio, & libris editis clarissimus, Abbatem egit religiosissimum, & anno MCXXXV. vitam sanctissimè finiit V. Nonas Martij.

Opera eius sæpiùs tribus tomis distincta, excusa sunt, in quibus tamen quædam hætenùs desiderantur. *Ex Molano, Harao, & Myrao.*



S. RVPERTVS ABBAS TVITIENSIS. ORD. S. BENED.
*Quod RVPERTE tibi natura nouitica negarat.
 Mater Calgis prastitit ingenium.*

DM.

S FRANCISCA Romana honestis & copiosis nata parentibus, ex Bux-
 •rum familia. A teneris vitam in orationibus & pijs operibus solitariam duxit: Laurentio Pontiano nobili Romano matrimonio contra voluntatem copulata, nunquam in publicum, nisi ad Ecclesiam prodire visa est; semper enim in cella, post necessaria domus negotia, orando, legendo, & meditando morabatur. In eâ quasi geminæ emicabant Humilitas, Obedientia, Patientia, Constantia, Abstinencia, Pietas, & Charitas. Sacramenta sapissimè repetebat, officium B.V.M. nunquam intermitteris, deuotissimè recitabat. Societatem puellarum sub regulâ Ordinis M. Oliuetani instituit: quibus cum post viri excessum, vitam sanctissimam duxit, miraculis fulgens: in quibus patrem aliquando in monasterio deficientem mirabiliter auxit. In vineâ cum imber improuisus descenderet; illam tamen sub die officium B.V.M. recitantem non attigit. Puerum diutino morbo comitali laborantem sanauit. Mulierem quæ fluxum sanguinis patiebatur curauit. Et alteram apoplexiâ correptam pristina restituit sanitati. Demùm annos LVI. nata, VII. Id. Martij anno salutis MCDXL. migravit in cælum. Multis post mortem miraculis claruit. Nam quidam inter fabricandum in prædicto puellarum monasterio, cum ab ingenti ligno è sublimi delapso oppressus fuisset, B. Franciscæ commendatus illicò convaluit. Alius in capite lethaliter vulneratus, eiusdem intercessione subito sanatus fuit. Multos etiam ab Epidimiæ morbo liberauit. Ob quæ & alia Paulus V. Pont. Max. IV. Kal. Iunij an. salutis MDCVIII.

solenni ritu illam Sanctorum numero adscripsit. *Ex vita eiusdem Romæ impressa.*



S. FRANCISCA ROMANA ORD. S. BENEDICTI.
*Obiata Congregationis Montis Oliveti, miraculis celeberrima,
 in SS. numerum relata a S.D.N. PAVLO V. 29. Maij Anno.
 Christi M DC VIII.*

S EVLOGIUS natione Cordubensis, Monachus & Abbas Monasterij S. Zoili Cordubæ, & paulò ante mortem Toletanus Archiepiscopus electus, inire tamen non potuit, quæ omnia vnica Marianæ periodo manifesta sunt, sic enim inquit: *Anno decimo Eulogius ipse occisus in Sabbatho, quinto Idus Martij. Eulogij vitam Aluarus Cordubensis eius familiaris, & necessarius scripsit, ubi asserit paulò ante mortem in Vestremiri locum Toletanum Archiepiscopum summæ Cleri, & Populi voluntate electum fuisse. Corduba sanè in Eulogij locum Samson Presbyter consequentibus annis Sancti Zoili Abbas successus est. Martyrio coronatus est anno DCCCLIX. Hic ille præclarus Christi Athleta, qui, cedentibus cæteris, vexillum confessionis aduersus Arabum impietates erexit, ac plurimos ad martyrij coronam perduxit; quorum triumphos ipse in carcere positus scripsit. Extant hac nostrâ ætate è latebris antiquitatis eruta, præclarissima scriptorum ipsius monumenta, quæ Apostolicum spiritum redolent, & purissimam pristinam illam sinceritatem præse ferunt; imò viuam ipsius imaginem reddunt. Martyrologium Romanum hoc illi Eulogium posuit.*

Corduba S. Eulogij Presbyteri, qui eiusdem urbis martyribus in persecutione Sarracenorum adiungi meruit, quorum pro fide certamina scribendo fuerat amulatus.

Ex Card. Baronij, & Arnoldi VVionis notis ad Martyrol. Rom. & Monast.



S. EVLOGIVS MARTYR, DESIGNATIVS
 ARCHIEP. TOLET. ORD. S. BEN.
Re sacra mortali fulgerent tempora mitra
 EVLOGII: effulsi Martyrio atq; libris.

DM

S GREGORIUS Magnus Rom. Gordiani Senatoris filius, adolescens Philosophiæ operam dedit, & prætorio officio functus, post mortem patris sex monasteria ædificauit in Sicilia, & septimum Romæ in suis ædibus nomine S. Andree ad clivum scauri: in quo Monachi vitam professus est, ac postea Abbas factus, mox Diaconus Cardinalis creatus. Constantinopolim ad Tiberium Constantinum Imp. à Pelagio Papa mittitur. Romam reuersus (Pelagio peste sublato) summo omnium consensu electus Pontifex, ne honorem illum acciperet, mutato vestitu, in spelunca delituit: vbi deprehensus indicio igneæ columbæ, Papa consecratur. Peregrinos quotidie ad mensam adhibebat, in quibus & Angelum, & Dominum Angelorum, peregrini facie accepit. Multos libros confecit; quos cum dictaret, testatus est Petrus Diaconus, se Spiritum S. columbæ specie, in eius capite sæpe vidisse. Admirabilia sunt, quæ dixit, fecit, scripsit, decreuit, præsertim infirmâ semper & ægrâ valetudine. Quatuor Conciliis, Nicæno, Constantinopolitano, Ephesino, Chalcedonensi, tanquam quatuor Evangelii honorem haberi voluit. Deniq; multis editis miraculis, Pontificatus anno XIII. mense VI. die decimo. IV. Idus Martij ad cælestem beatitudinem evocatus est, anno salutis DCIV.

De eodem S. Ildephonso scriptum reliquit: *Nihil ei simile antiquitatem demonstrasse. Nam sanctitate, inquit, Antonium vicit, eloquentiâ Cyprianum, Augustinum sapientiâ: & alijs virutibus excelluit.* Et Synodus Toletana VIII. cum cunctis Ecclesiæ Doctores præferendum censet.

Ex Breuiario Rom. excerptum, cum additamento ex S. Ildephonso, & Synodo Toletana.




S. GREGORIUS MAGNVS PAPA E. D.

ORD. S. BENED.

*Qua vigilata, DEO scribis dictante, Legenda-
Atque eadem nobis da facienda Patet.*

S B E N E D I C T V S P. N. vt sese totum Christo daret, in altissimam speluncam penetrans; triennio delituit. Quodam die, cum ardentes ei ad libidinem faces à Diabolo subicerentur, se in vepris tam diu volutauit, dum lacerato corpore, voluptatis sensus dolore opprimerentur. Signo crucis poculum confregit, in quo ab inuidis venenum fuerat oblatum, ideoque relicto monasterio, in solitudinem se recepit. Postea Cassinum migrans, simulachrum Apollinis, qui adhuc ibi colebatur, comminuit, & incolas Christianis præceptis imbuit. Aliquot mensibus, antequam è vitâ migraret, præmonuit discipulos, quo die esset moriturus; sepulchrum sex diebus antequam eò inferretur, aperiri iussit, sextoque deferri voluit in Ecclesiam; vbi sumptâ Eucharistiâ sublati in cælum oculis orans, inter discipulorum manus efflauit animam, quam duo Monachi euntem in cælum viderunt, pallio ornatam pretiosissimo, circum eam fulgentibus lampadibus; & clarissimâ & grauissimâ specie virum stantem supra caput ipsius, dicentem audierunt: *Hæc est via, quâ vir Domini* B E N E D I C T V S in cælum ascendit. Ex Lib. 2. Dial. B. Greg. Is Regulam conscripsit, ac tot post se sectatores abduxit, vt eorum numerus iniri nullo modo possit, ex eius verò familiâ prodierunt tot ac tanti in omni laudum genere virtutumq; florentes viri; vt quoquò te converras, admiratione defixus tenearis.

Quot enim Martyres, quæso, ex illius ordine? quot miraculis ac san-
ctimoniâ præstantissimi viri exierunt? quot Pontifices
summi & admirandi. Sed de his alibi
pluribus dictum.



S. BENEDICTVS. PATRIARCHA. MONACHORVM.

S RUPERTVS regio Francorum Scotorumq; principum sanguine editus, apud Vangiones prius Episcopus ex Monacho- cum Auditores nactus esset, omni vitiorum genere corruptos, ab ijs arreptus, seruilem in modum flagris cæsus, episcopatu deiectus, ac vrbe pulsus est. Verum eius sanctimonie famâ, & vxoris Reginotrudis suasionibus motus Theodo Boiorum Dux, summo viri coram videndi desiderio incensus est. Primos suorum mittit, qui honestissimâ legatione obnixè deprecantes inuitarent, veniret; Boicam conspectu dignaretur, genti rectum fidei viuendiq; iter ingredi cupienti, docendo præiret. Annuit Rupertus, & legatos subsequutus, Reginoburgi à Theodone, cum insigni procerum comitatu obuiani progressio, incredibili læticia maximo applausu excipitur. Rupertus indicto ieiunio, Theodonem Christianæ fidei mysterijs erudit, eruditum & satis jam confirmatum, abdicato impio pessimorum dæmonum cultu, salutarî baptisinate abluit. Principis exemplum pleriq; optimates sequuti, & populi magna vis, nobilium ignobiliumq; promiscuè, vna omnes voce, Dei benignitatem effusè celebrantes, quæ ex terra caligine in eam claritatem, nihil tale promeritos euocasset. Episcopus inde principis hortatu secundo Danubio deuectus, multam præterea pietatis selementem fecit, Euangelio omnibus qui secus ripam colerent libero sermone, annunciato, ad inferiorem vsq; Pannoniam, ibi exscendens iter retrò pedibus tenuit. Hinc in interiorem Boicam digressus, statuis inanum Deorum vbiq; deiectis, rudes populorum animos ad vnius Dei intelligentiam erexit. Inde Iuuauix, quod hodie Salisburgum est, pontificiam sedem posuit, templum Deo & apostolorum principi Petro cum cœnobio dicauit, aliasq; complures per Boicam ædes sacras condidit. Tandem festa Christi resurgentis luce, quæ in VI. Kal. Aprilis incidit, obita re diuina, sacrorumq; mysteriorum percepto viatico, inter complorantium discipulorum manus exspirauit anno Dom. DCXXVIII cæloq; sic receptus, Boica Apostolus & tutela habitus est. *Ex diuersi. Script.*

2 BENEDICTVS PATRIARCHA MONACHICVM



S. RVPERTVS EPISC. SALISB. ORD. S. BEN.
*Lustrat caelesti THEODONEM fonte RVPERTVS.
 Cuius ab ore Deum Boica tota bibit.*

B HAIMO, natione Germanus, B. Alcuini discipulus, ac primum Fulden-
 sis Cœnobij Monachus, vir sanctitate, & eruditione insignis, magnitudi-
 ne & præcellentis ingenij gloriâ, inde ad Hirsfeldiam vicinam evocatus, vbi
 & virtutis & pietatis cum doctrinâ exuberâtis opinione, ad sapientiæ fastigium
 euectus, lucubrationum ingenti mole consurgens altiùs, cùm Scripturæ pro-
 pè vniuersæ arcana commentariis ambiret, ad Halberstadiensis Ecclesiæ guber-
 nacula venit, quæ annis XIII. summa integritatis & sanctimonix famâ, felici-
 ter tertius in Episcoporum ordine tractauit. Quin & Hrabanus eum honori-
 ficè compellans, æqualem suum libenter agnoscit. Ceterùm, etsi constanter
 Trithemius passim, HAIMONEM hunc Abbatem Hersfeldiæ fuisse vult, eum
 tamen nec Lambertus hoc tempore recipit, nec probat historia publica; siqui-
 dem ab anno DCCCXL. vsq; ad annum DCCCXLVI. Brunonem sedisse tes-
 tatur, quâ tamen annorum intercapedine HAIMO factus Episcopus. Rectiùs
 igitur MS. Chronicon: *Anna Domini DCCCXL. Heimo Hersfeldensis Eccle-
 siæ Monachus, tertius Episcopus Halberstaden. à Ludouico filio Pij Luduici mitti-
 tur: & anno XIII. suæ ordinationis VI. Kalen. Aprilis obiit, & Halberstad. sepeli-
 tur, in cuius locum Hildigrin Episcopus est ordinatus.* Composuit idem sanctus
 Præsul in omnes libros vtriusq; Testamenti commentarios, pietate, breuitate,
 dictionis simplicitate, ac perspicuitate laudandos, in quibus quæ à veteribus
 Interpretibus vel erant scripta doctis, vel apud populum dicta fusiùs, in com-
 pendium redegit adeò perspicuâ, & lucidâ breuitate, vt & ab occupatis paruo
 temporis dispendio legi, & à simplicibus, leuiterq; literatis facillimè intelligi
 possint. Versatus est autem fermè semper in allegoricis, & anagogicis sensibus:
 quos velut spiritualis apicula, ex omnium antiquorum hortis, ac
 pratis florentibus decerpfit, quo legentibus esset
 parata saluberrima mellis copia. Ex
 2. p. *Corona Lucida.*



S. HAIMO EPISC. HALBERSTAD. E. D.

ORD. S. BEN.

*Exposuit quicquid sacri scripsere Prophet &
HAIMO sacrorum gloria Pontificum*

S **PROCOPIVS** Cothumæ in Bohemiâ natus, Pragæ literis imbutus & sacerdotii gradu initiatus est. Sed animo altiora concipiens, in monachum D. Benedicti instituta in Breunouiensi canobio professum, incidit, à quo & vitæ ab humanis negotiis seiunctæ normam excepit, & cultu corporis nouo involutus est. Postea in antro degit, contra aëreas potestates orationum & ieiuniorum telis acriter depugnans, donec Vdalricus Princeps Bohemiæ occasione venationis in eum incidit. Qui & mox flagitare quasi importuniùs à Sancto Patre cæpit, vt leuandorum criminum suorum spe certiori multam in se iudicio suo Pater decerneret non grauaretur. Nec mora: **PROCOPIVS**, vt templum Deo, sub nomine D. Ioannis Baptistæ à fundamentis erigeret, idq; celebre religiosi viris eò contractis, & prouentibus dotatis efficeret, in mandatis ei dedit. Quibus perfectis, dum hîcageret **PROCOPIVS** stipatus choro purgationis sensus hominum, quot sibi delectu acri habito collegerat, mirum dictu, quanti vndique egeni morbisque vexati ad eum confluerent, qui omnes læti ab eo recesserunt. Designatus verò canobii præfectus, id munus ita gessit, vt omnibus magnopere eius gubernandi ratio esset grata & accepta. Diem mortis suæ tri-duo ante cognouit, multa que futura prophetico spiritu suis prædicens, vitam reliquit circa A. C. MLIII. ipsis Cal. April. In SS. numerum relatus est A. C. M. CC. IV. IV. Non.

Iulii. Ex Nicol. Salio.



S. PROCOPIVS ABBAS. ORD. S. BEN.
 BREVNORIA Monachus sed post PROCOPIVS Abbas
 Diuo BAPTISTAE templa sacra Locat

SWICTERPVs ab ineunte ætate monasticis disciplinis institutus, tantum in pietate ac literis profecit, vt ab Hariolpho Lingonensi Episcopo, recens à se fundato Elefacensi cœnobio monachorum institutioni sit præfectus. Vbi tam laudabiliter id muneris gessit, vt eidem Hariolpho in abbatiali regimine succedere meruerit. Et quia se ille hoc modestius gerebat, quo altius ascenderat, non destitit fama nomen eius celebrare, quoad eum in Pontificis cathedrâ Augustæ Vindelicorum collocaret, vt publicam vitæ sanctioris lampadem mundo exempli causâ ostenderet. Suos itaq; tam verbo quam exemplo pacens, Arianam hæresim penitus eliminavit. Curam etiam adhibuit, vt loca sacra Hunnorum incursionibus, aliisque tumultibus bellicis vastata restaurarentur, & pristinum nitorem reciperent. Hinc S. Afræ martyris ecclesiam dirutam reædificauit, Fultenpacense Monasterium fundauit. Benedictopuranum, ac Füessense templum, Campidonenſis quoq; cellulæ ecclesiolam primus consecrauit. Tandem sanctitate plenus in pace quieuit, XIV. Kal.

Maii, cum Ecclesiam Augustanam XVI. rexisset annis. *Ex
vita. SS. Aug. & Ban. Sancta.*



S. WICTERPVS EPISCOPVS AVGVSTANVS.

Quicumq; manducauerit panem. et biberit calicem Domini in-
digne. reus erit corporis et sanguinis Domini. 1. Cor. 11.

S. ANSELMVS ex Augustâ Burgundiæ ciuitate ad Alpium radices post-
 tâ oriundus, ac illustribus parentibus, Gundulfo patre, ac Hemeberga
 matre prognatus, & à pueritia ingenuè, liberaliterq; institutus, ad Beccense
 Cœnobium, permotus Lanfrancifamâ, discendique studio venit. Ibi ætatis
 suæ anno x x v i i. primum fit Monachus, deinde Lanfranco ad Cadonien-
 sem Abbatiam præfecto, in Beccensi prioratu successit, in quo ordine x v. an-
 nis stetit. Tùm Eluino Beccensi Abbate mortuo, A N S E L M V S Abbas crea-
 tur: quem gradum quindecim etiam annis gessit. Tandem accersitus in An-
 gliam Archiepiscopus Cantuariensis creatur: vbi pro libertate Ecclesiastica tu-
 enda, bis à Rege in exilium missus est. Monachus adhuc ita inediâ corpus ma-
 cerauit, vt non solum gulæ illecebram penitus extinxerit, sed nec edendi de-
 ledationem, etiam post longa ieiunia senserit. Ægrotis singulari cura & soli-
 citudine, necessaria omnia absq; tædio & mora subministrabat. Clericis ma-
 gnopere cauendum aiebat, ne si à sorte Domini caderent, in sortem Diaboli,
 per neglectum conuersationis & ordinis sui deciderent, omneq; tempus per-
 ditum asserebat, quod bonis studijs, aut necessariæ vtilitati non seruiebat.
 Interrogatus cur ad seculares causas adeò imbecillo & abiecto esset animo; re-
 spondit: quia omnium secularium rerum amorem ab animo meo pepuli. Fre-
 quenter illud dictabat: Si hinc peccati horrorem, hinc inferni cernerem dolo-
 rem, & vni eorum immergi deberem, prius infernum quam peccatum elige-
 rem. Item malle se purum à peccato, gehennam sustinere, quam peccati
 forde pollutum, cælorum regna tenere. De dilectione proximi: magis gau-
 dendum esse dicebat, si alios diligimus, quam si ab alijs diligamur. Rursus:
 malo, ait, decipi, bona de alijs credendo, etiamsi me nesciente mali sint, quam
 credendo mala de ipsis, meipsum decipere, quos nondum verè probaui, quod
 boni non sint. Cum importunis precibus induci non posset, vt puellæ mente
 captæ sanitatem redderet, & miseræ manum imponere recusaret, quod id ne-
 quaquam A N S E L M I esset, tandem populi importunitate victus, quod nullis
 negare solebat, signo eam sanctæ crucis signauit, quâ benedictione acceptâ, ad
 sanitatem ægra rediit. Naui fracta, per mare nauigans, nullum naufragium
 est perpeffus. Iam moriturus super cilicium & cineres positus spiritum in ma-
 nus creatoris reddidit XI. Kal. Maij A. C. MCIX. ætatis LXXVI. Pontif. XVI.
 In eius breuibus Opusculis, ait Demochares, penè omnia firmis rationibus de-
 monstrari, quæ Petrus Lombardus Magister Sententiarum in quatuor plenis
 voluminibus, multis SS. Doctorum auctoritatibus postea confirmauit.

Exnarijs SS.

S. ANSEL-



S. ANSELMVS CANT. ARCHIEP. E. D. ORD. S.
BEN.

Exilium Cūfectans prauos, firmansq̃ fideles
Debuit ANSELMVS pro pietate pati,

S ADALBERTVS ex Monacho Pragensis Episcopus secundus, fame, siti, frigore, vigiliis, & veste cilicinâ corpus maceravit: neminē sibi inimicum, nisi inimicum diabólū voluit. Natione verò Bohemus cū esset; in hoc vnum semper incubuit, vt patriæ suæ, quæ veri Dei esset adhuc ignorans, lumē fidei à S. Methodio aliqua ex parte accensum, inferret, quod vt fideliter, & audacter incepit, ita & strenue executus est. Longius deinde progressus S. Stephanum primum Hungarorum in Pannonia Regem, cum omni ferè populo suo sacro baptisinate abluit, & Euangelii messēm illis in prouinciis primus intulit.† Episcopatu expulsus, monasticam complexus disciplinā, ad viliora munia obeunda, tanquam ad epulas promptissimus erat. Ad Episcopatum reuersus, denuoque à suis eiectus, à Mecislao Poloniæ Duce euocatus, eundem cum omni populo suo ab Idolorum culturâ auertit, & Gentilitatis errore fugato, sacræ fidei cultum in Poloniā plantauit. Vbi etiam aliquandiu Gnesnensem Archiepiscopatum administravit, & in suum locum Gaudentium suffecit, ipse in Prussiam profectus, à nefario homine, cū in cælestium rerum meditatione versaretur, conto prosternitur; humi stratus, terræ figens oscula; Benedictus, ait Deus, benedicta misericordia Dei; si plus non accipiam, pro crucifixo meo, vnum pretiosum ictum habeo. Septem denique lanceis à barbaris confossus, manibus in modum crucis extensus, felix est factus Christi victima. sacro Parasce-

nes die, quo mundi Saluator cruci est affixus. XXIII. Aprilis

A. C. CMXCVII. *Ex Suriô.*



S. ADALBERTVS EPISC. PRAG ARCHIEP.
 GNE SN. M. ORD. S. BENED
Præsul ADALBERTVS docuit p̄a sacra BOHEMOS.
 SARMATIÆ & populos deniq; MARTYR obit

S A N D R E A S, Z O E R A R D V S prius dictus, in Nitriensi Monasterio, à Philippo Abbate, habitu accepto, eremi solitudinem expetiit, in eaq; tribus diebus ab omni re, quæ mandiposset abstinuit. Quadragesimali verò tempore ab Abbate suo Philippo quadraginta nuces accepit, & eo existens victu contentus, diē sanctæ Resurrectionis cum gaudio exspectauit. Nocturnâ quiete tali est usus: Planatum truncum quercinum sepe circumdedit, & per ipsam septem arundines acutas ex omni parte infixit; ipse verò in trunco sedens tali sessorio usus est artuum recreatione, vt si fortè corpus sopore grauatum qualemcunq; in partem se flecteret, arundinum acie sauciatum euigilaret. Insuper & ex ligno coronam factam capiti suo circumponebat, ad quam in partibus quatuor totidem lapides suspendebat, vt si caput sopitum quocunque inclinaret, lapide percuteretur.

S. B E N E D I C T V S verò eius discipulus per tres annos exemplo defuncti magistri districtè vitam agens, à latronibus pecuniam se reperturos, sperantibus iugulatus, & in flumen demersus est. Eius corpus ab aquilâ custoditum, post annum integrum repertum, conditum est in Basilicâ S. Emerami, in eodem sepulchro, in quo asseruabantur ossa B. Andreæ eius sancti patris. Claruerunt circa A. C. M. XX. *Ex*

vita ap. Snt.




SS. ANDREAS. ZOERARDVS. ET. BENEDICTVS. M. ORD. S. BEN.
Prædicationem dixit vitam. ZOERARDVS in. aniro.
Sed latro infontem te BENEDICTE necat

S WALPVRGA Abbatissa Monasterij Heidenheim Eystettensis diæcesis, & soror Sanctorum Wilibaldi Episcopi Eystettensis, & Wunibaldi Abbatis, & S. Richardi Regis filia, nata in Angliâ, virgo sanctissimæ fuit conuersationis, atq; multis virtutibus & signis clara enituit. Ad declarandam eius sanctitatem Deus varia beneficia piè petentibus, sub ipsius patrocinio clementer ostendit. Obijt verò V. Cal. Martij in Monasterio suo, vbi corpus eius primùm conditum est. Postea verò sacræ ipsius reliquiæ Calend. Maij translatae

Eystadium, perenni fulgent miraculo. *Ex Trith.*

lib. 3. cap. 150. de vir. illustr.





S G O T H A R D V S, ad Altrachium inferius honestis parentibus natus, ibidem primum sacrorum ordinum gradum hypodiaconi indeptus; religionem proficitur, A. C. CMXCVII. à S. Wolffgango Sacerdotio initiat; tandem pijs vitæ institutis & doctrinâ facillè præstantissimus cum esset, cœnobio Abbas præficitur, vbi multorum extitit Pater monachorum. Postremò Episcopus Hildesheimensis A. C. MXXII. creatus, munus Episcopale, quod invitus suscepit, magna cum laude XIV. annis religiosè gessit: Ecclesias, Monasteria, & Xenodochia plurima crexit, & opera supra naturam mirifica patravit.

Perduelles ex subiectis quosdam anathemate ictos cum sacrificij tempore templo de more excedere iussisset, illiq; contumaces restitarent, ex dudum sepultis, quos anathematis vincula strinxerant, de tumbris surgunt, templumq; egrediuntur; quos pudore suffusi viui illi rebelles etiam sequuntur. Godehardus adhortatione acri ad subiectos, quibus mortuos obsequentiores haberet, viuis adhibita, defunctos censurâ soluit, qui capite Pontifici inclinantes ad suum quisq; tumultum redeunt.

Demùm Ascensionis Dominicæ festo, cum Antiphona illa in Ecclesia caneretur, Ascendo ad Patrem meum, & Patrem vestrum, eius anima quoq; in cælum conscendit. Angelisq; est associata, A. C. MXXXV III. Multa vbiq; mentio sanctissimi viri, quem Innocentius II. P. M.

in Viennensi Concilio Dinorum Albo adscripsit.

Ex Surio, & Bau. sancta.



S. GOTTHARDVS. EPISC. HILDESHAIM. ORD.

S. BENED.

*Dum iacit in duros GOTTHARDVS fulmina ciues
Desumti lumulos deseruero suos.*

SIOANNES DAMASCENVS natione, nobilibus parentibus ortus, doctissimus ipse quidem, & Romanam fidem ab incunabulis ab Italo homine Cosmâ nomine, probè institutus, pro imaginum cultu egregiè pugnauit. Hic post parentis obitum à principe Sarracenocum in aulam euocatus, & primarii Consilii dignitate, quamuis recusans, ornatus, cum audiret, quæ Leo Imperator tyrannicè & impiè aduersus imagines, & imaginum veneratores patrat, Zelo pietatis incensus plures epistolas euulgauit, quibus eruditissimè imaginum cultum comprobauit. At impius Imperator his exacerbatus, animum conuertit, vt eum perderet, confictis literis proditionis, eius euentito charactere, ad principem Sarracenorum missis, à quo IOANNES manu truncari mandatur, in foro que suspendi, quam ipsam precibus impetratam dexteram intercessione B. MARIÆ Virginis obtinuit, brachio restitui. Quod cum Sarracenorum Princeps cognouisset, rei admiratione commotus, eum, vt innocentem muneri suo Consilii reddi curat; at ille altiora meditans, gratiis actis, facultatibusq; in cognatos, seruos, & egentes distributis, Ierosolymam orationis causâ profectus, ad diuini Sabæ lauram se contulit, ibiq; cum Cosmâ sodali monachum induit, & in religiosis exercitiis, ac virtutibus, præsertim obedientiâ ac humilitate mirificè claruit. De ipsius autem eruditione, quid longam orationem comparare attinet, cum & quantus Philosophus fuerit, & quantâ Theologiæ laude excelluerit, & quam studiosè in Auctorum, qui ante ipsum floruerunt, lectione versatus sit, abundè ipsius scripta testentur? Illud quidem negari non potest, eum primum extitisse, quæ ea, quæ prius fusè ac liberè disputari solebant, in vnum corpus coegerit, remq; Theologicam via & ratione, longèq; commodiori ordine tradiderit. Hoc enim ipse apud Græcos primus præstitit, quod multò post apud Latinos Petrus Lombardus, cæteri; Scholastici. Floruit circa A.D. DCCXL.

Ex Suario & Baronio.



S. IOANNES DAMASCENVS E.D. ORDIN. S. BEN.
 VIRGINIS auxilium IOANNES sedulus optans
 Abscessum recipit VIRGINE dante maritum.

SALCVINVS seu ALBINVS hoc cognomen tulit à familia : FLACCVS autem à baptismo nomine proprio appellatus est. Hic ex Britannia oriundus, & in Eboracensi prouincia natus fratrem habuit *Ioannem* Salisburgensis Ecclesiæ antistitem, quem ipse in epistolis efficto nomine *Aquilam* indigitat. In Eboracensi Ecclesia eruditus & Leuita sacratu, præceptore vsus est Egberto Archiepiscopo, & omni tùm humanarum, cùm diuinarum rerum scientia eruditissimus euasit. Post mortem magistri, Eboracensis Scholæ factus Rector, multos & ipse postea discipulos, eruditione ac pietate celebres, habuit. Hac laudabili literarum professione per vniuersam Britanniam celebris, non tantum apud Episcopos & Abbates Insulæ, verum etiam apud Reges ipsos & principes in pretio fuit. Hinc & Carolus ipse Magnus de remotis eum Britannia finibus honorabiliter euocauit, vt liberales omnes disciplinas penè tunc per Galliam extinctas ad lucem reuocaret.

Factus igitur Franciæ nouus ciuis anno circiter DCCXLIII. Carolo deinceps sedulus & fidelis comes adhæsit, eiusque in primis animum omnibus disciplinis imbuit, adeò vt nec illi par in toto orbe foret in scientiis. Et quia Magister totius regionis peritissimus ac doctissimus erat, magno etiam aliorum virorum concursu & admiratione auditus est, plurimosq; eruditionis famâ insignes discipulos habuit, Rhabanum, Haimonem, Vsuardum, Aldricum, & alios complures. Parisiis quoq; eum docuisse, & nobilissimæ illius Academiæ fundamenta iecisse, testes quotquot de Academia illa scripsere.

Multis verò Rex Carolus beneficiis hunc suum Magistrum honestauit. Contulit ei in primis Abbatiam S. Lupi Trecentis, Ferrariensem, Cèllam S. Iudoci, deniq; S. Martini Turonensis; vbi piè sancteq; vixit, & iuuentutem Gallicam erudire continuans, frequenti etiam ac frugiferâ voluminum editione laudem sibi nunquam morituram peperit, obiitq; anno

Christi DCCCIV. XIV. Kal. Iunij. *Ex vita eius*

operibus præfixa.



B. ALCVINVS ABBAS ORD. S. BEN.
*Quid non ALCVINO facunda LYTETIA debes?
 Inffaurare bonas ibi qui feliciter artes,
 Barbariemque procul solus depellere Capis.*

S GREGORIUS VII. super quem verè primi Gregorij requieuit spiritus, natione Tuscus: Patrem habuit nomine Bonicum, & ipse *Hiltebrandi* sortitus est in baptismo vocabulum. Puer adhuc commendatus est Abbati S. MARIE in Auentino monte liberalibus scientiis instruendus. Adolescens verò ad monasterium Cluniacense se contulit. Inde post aliquot annos Romam rediturus, in aula Henrici III. moratus est, de quo Imperator aiebat: *Nunquam se audisse hominem, cum tanta fiducia Verbum Dei predicantem.* Romæ verò invidiorum stimulis actus in partes Germaniæ & Galliæ ire statuit: Verùm, tri-nà S. Petri apparitione, vltèriùs progredi vetatus, mortuo Damafo II. à Leone IX. Subdiaconus ordinatus, monasterio S. Pauli desolato prælatus, eiusq; apparitione confortatus, illud reformatiuit. Inde Archidiaconus Ecclesiæ Rom. factus, in partes Galliarum directus, Simoniacos eliminauit, miraculisq; pluribus coruscavit. Cultor verò Deiparæ singularis cum existeret, eidem coram imagine D. Virginis preces fundenti, eadem imago aliquando lachrymari, aliquando etiam arridere visa est. Demùm post mortem Alexandri Papæ II. Pontifex renunciatus est X. Kal. Maij. A. C. MLXXIII. cuius celebrantis humero dextro insidere visa est columba de cœlo descendens. Magnis insuper æstuans febribus ope Deiparæ conualefcit. Ipse plurimis miraculis claruit. Henricum Imp. ne Episcopatus, & aliæ prælaturæ pretio conferrentur, admonuit, sed frustra: nam potentium factione carceri inclusus, atq; à populo liberatus. Henricum imperio priuat, & Rudolpho subrogato, Henricus Gilbertum Rauennatem Pseudopapam eligi curat. Gregorius ab eodem Romæ obsessus, à Guiscardo Normanno liberatus Salernum perducitur. Vbi cùm Ecclesiæ annos XII in summa, & difficili temporum varietate, assiduus calamitatibus ob Ecclesiasticam libertatem, cuius acerrimus defensor fuit, afflicto demum sancto fine quieuit. non sine bonorum mœnore, ob eius eximias virtutes, & assiduam viduarum, pupillorum, & pauperum curam. Salerni sanctè decubuit. A. D. MXXCV. VIII. Kal. Iunij. *Ex eius vita apud Plat. & Paul. Bernried.*



S. GREGORIUS VII. P. M. ORD. S. BEN.
*Ecclēsiasticę libertatis propugnator, ac defensor acerrimus, cuius
 celebrantis dextro brachio columba insidere, & B. V.
 imago arridere, aliis etiam lachrymari videri.*
 XXV. May. A. C. clv. xxcv. ∞

S AVGVSTINVS, Italus, Romanus, Monachus & Præpositus Monasterij S. Andreæ Romæ, in cliuo Scauri, missus in Angliam ad illius gentis conversionem, à S. Gregorio Papâ I. cum aliquot sociis Monachis, A. C. DXCVI. cum Edilbertum Cantix Regem sexto post anno sua prædicatione ad Christum adduxisset, Arelatum profectus ab illius sedis Archiepiscopo Etherio, primus Dorovernensis, siue Cantuariensis Archiepiscopus consecratus est A. C. DCII. Præfuit autem eidem Ecclesiæ annis plus minus octo, conversioni infidelium, prædicationibus, & augmentationi Ecclesiarum toto illo tempore semper intentus. Cursu verò peregrinationis suæ laudabiliter, in omnibus sanctitatis operibus expleto, ad Dominum migravit anno DCIX. VII. Cal. Iunij iuxta Ecclesiam Monasterij SS. Apostolorum Petri & Pauli sepultus. *De eo pluribus agunt, S. V. Beda & omnes rer. Angl. scriptores.*




S. AVGVSTINVS CANT. ARCHIEP. ORD. S. BEN.

Hic Anglorum Apostolus Edilbertum Cantuar Regem
Cum suis baptizavit. & obijt miraculis clarus
anno. DCIX. VII. CAL. Junij.

S V. BEDA puer septennis à parentibus Benedicto Abbati in Angliâ institutus traditur. Vbi non solum monasticis institutus disciplinis, & omnigenâ scientiarum eruditione instructus, breui admodum tempore, & quod mirabilius est, inter assiduas, monasticæ disciplinæ exercitationes, & continuam diu, noctuq; orandi, psallendi, legendi in templo curam, tantum profecit, vt maximum sua eruditione Ecclesiæ vniuersæ splendorem attulerit. Nam in omni disciplinarum genere Græcæ etiam, atq; Latinæ linguæ gnarus excelluit. Poëta, Rhetor, Historicus, Astronomus, Arithmeti⁹, Chronographus, Cosmographus, Philosophus, Theologus, ita eo tempore mirabilis, vt in Prouerbiis apud eius seculi doctiores abierit, *Hominem in extremo orbis angulo natum, vniuersum orbem suo ingenio perstrinxisse*. Ei tria per totam vitam fuere familiaria: *Orare, Scribere, Docere*. Et quidem tanto in pretio doctrinæ eius habita fuit, vt ipse Pontifex Sergius famâ virtutum & eruditionis eius commotus, eum ad se accersiri curauerit, quò diuino eius ingenio in arduis Ecclesiæ rebus uti posset.

Discipulos reliquit eruditissimos, qui varijs locis tum publicè, cum priuatim docuerunt, vnde postea in reliquum Christianum orbem doctrina fluxit vberissima. Tanta erat sacrorum librorum eius auctoritas, vt etiam in Ecclesiis publicè legerentur, & quia in lectionum sermonumq; titulis sanctum (quod adhuc inter mortales degeret) vocare non auderent, venerabilem vocitarunt: ob quam causam, in Ecclesia nomen, *Venerabilis* obtinuit. Tandem multis laboribus scribendo, docendoq; exantlatis, septem ante mortem hebdomadibus lethali morbo correptus, à diuinarum rerum studio minimè cessabat. Sacro deniq; Ascensionis Dominicæ die, cum jam supremum agonem sentiret, imminere, ex aduerso Oratorij, in quo precari consueuerat, subiecto cilicio decumbens, lætus in hæc verba prorupit: *O Rex gloria, Domine virtutum, qui triumphator, hodie super omnes calos ascendisti, ne derelinquas nos orphanos*, qua in precatione vitam quoque finijt, tanta cum suauissimi odoris fragrantia, vt quotquot præsentés aderant, in Paradiso viderentur sibi versari, *Ex eius vita.*



S.V.BEDA PRESBYTER E.D.
MON. ORD. S.BEN.

*Faecundat scriptis argentes BEDA Britannos
Scilicet exhaustas & cruce fundit opes.*

S WILHELMVS Gellonensis, nobilissimis parentibus patre Theodorico, & matre Aldana natus, liberalibus disciplinis institutus, aulicus Caroli Magni factus, Regi & proceribus acceptus fuit, adeò vt primæ cohortis princeps euaserit. Inde contra Saracenos Franciam invadentes, comes WILHELMVS belli dux declaratur, pariterq; Aquitanix Dux præficitur. Exercitum ergò contra eosdem producens, eorum tyrannide Christianos liberat, & vt Deo pro accepta victoria gratus esset, Religiosorum in primis curam suscipiens, monasteriis plurima largitus est. Quin ipse novum Gellonense fundauit sub titulo *Saluatoris*, B. V. Mariæ & SS. omnium Apostolorum. Ipse deinde tædium rerum mandanarum concipiens, Regi Carolo summopere eius abitum dolenti valedicit, & ab eo Reliquias S. Crucis dono accipit. Deinde in Ecclesiâ arma sua bellica S. Iuliano martyri offert, & ad Monasterium quod ipse construxerat properans, nudis pedibus cilicio indutus ingrediens, solemniter à fratribus exceptus, monachus efficitur. Vbi humilitate & patientia singulariter excelsit, extrema quæq; & vilissima sibi demandari cupiens. Vnde fratribus aliis inferuiens, & officia eorum viliora ipse subiens, coquinæ seruitium suscepit. Vtq; adhuc magis humiliaretur, Pistor esse iussus insigni miraculo à Deo honoratur. Nam cum instrumenta purgandi clibanî deessen, signo S. Crucis munitus ardentem clibanum ingressus veste illæsa carbones exportauit. Inde in maiori veneratione habitus, se totum contemplationi addixit, carnem mirè afflixit, sine intermissione orationi incumbens. Nam totis noctibus in eâ perseuerans, centies in die, & centies in nocte coram altaribus genua flectens, non solum pro suis, sed etiam pro peccatis omnium DEI misericordiam implorauit. Ob memoriam passionis Dominicæ virgis cædi & flagellari solebat. Spiritu quoq; Prophetiæ pollens, diem obitus sui prædixit, sacrâq; communionem munus sanctæ vitæ fungitur V. Kal. Iunij circa an. DCCCX. In cuius transitu circumquaq; omnes campanæ spontè suâ nullius hominis opera sonitum dare sunt auditiæ. *Ex eius vita*

prolixe scripta.



S WILHELMVS GELLONENSIS

ORD. S. BEN. Mon: Gellonense.
*Hic Caroli Magni contra Saracenos belli Dux, Mon: Gellonense.
 a se funditū ingross, conuina & pistrinū officinā exercebat, cibariū ardenti
 scapulari purgās in nullo est lapsus, centies die, et centies nocte genua
 corā altari flexens, sancte obiit V. Cal. Iunij an. D CCCX.*

S. BONIFACIUS in Angliâ natus, à puero sub disciplinâ instituti monastici educatus, in omni literarum genere, præcipuè verò sacrarum scripturarum intelligentia, tantum doctrinæ laudem est consecutus, vt multi famæ eius passim diffusâ moti, ei se erudiendos tradere laborarent. Ipse verò hominum fauorem horrescens, solius verò diuini amoris Zelo accensus, peregrinationem pro Christi gloriâ, ad loca remota suscepit, ac primùm venit in Frisiam; at vbi illic maximam partem Ecclesiarum Christi à Radbodo tyranno seruos Christi persequente & profligante, vastatam & euersam; extructa verò dæmonum cultui sana reperit, rei indignitate motus, vacua spiritali fertilitate arua relinquens ad natale solum se recepit. Patre monasterij sui intereâ defuncto, fratres ei regendi munus decernunt; quod ipse, qui peregrinationem meditabatur, recusans, impetratis ab Episcopo illius loci benedictione & litteris commendatitijs Romam profectus est, vbi à Gregorio II. Pont. Max. benignè exceptus mandatum prædicandi Euangelium per Germaniam accepit: ac litteris Apostolicæ sedis instructus, varias Germaniæ prouincias, vbiq; verbi Dei semen spargens, perlustrauit; tandem auditâ Radbodi morte, in Frisiam redijt, ac plurimos ibi ab idolatriæ erroribus ad veritatis lucem retraxit. Manabat interim longè lateq; fama prædicationis eius, & fidelium numero magnæ fiebant accessiones, ita vt Romam veniens, fidei & doctrinæ suæ Pontifici summo rationem redditurus, Episcopus ab eodem crearetur; ac demùm cum inde reuersus, infinitam multitudinem hominum fide Christiana imbuisset, Moguntinensi sedi, in eius gratiam ad Archiepiscopatus dignitatem euectæ præficeretur. Quamobrem cum in tantâ messis copâ, paruitas operariorum, quos habebat, non sufficeret instituendæ credentium multitudini; acciuit plures alios pietate & eruditione præstantes viros & per prouincias multas ordinauit & constituit Episcopos, extruxit Ecclesias, erexit monasteria; ac tanta Germaniæ populis beneficia spiritualia feliciter præstitit, vt *Germanorum Apostolus* mereretur appellari. Tandem naui in Frisiam delatus, impiorum latronum scelere trucidatus est Non. Iun. A. C. DCCLV.

Ex vita ap. Sur.



S. BONIFACIVS ARCHIEP. MO..

GVNT. M. ORD. S. BEN.

Perte GERMANIS pietas plantatur in oris.

Sed FRISO Patrem barbarus ense nocat.

S DEOCHARVS. Germanis *Gottlieb*/Græcis *Theophilus*, vir valde venerabilis, scientia scripturarum, & religione monasticæ conuersationis, insignis, multis effulsit virtutibus. Fuit primus Abbas Monasterii Hasenrietani, seu Hernriedensis, conditi à Carolo Magno. Erat autem locus, vbi nunc Hernrieda, vastus & desertus, cum à S. DEOCHARO incolæ cæptus est; in cuius gratiam Carolus Magnus exiguam ædiculam Deiparæ Virgini consecratam, extruxit; quæ in magnâ religione & veneratione fuit vsq; ad auorum vel proauorum nostrorum memoriam, nam anno salutis M. CCC. XC. in Vigilia SS Apostolorum Petri & Pauli incendio periit cum potiore ciuitatis parte.

Supradictæ Ædiculæ adiecit postea Carolus Magnus insigne Monasterium, cuius primus Abbas DEOCHARVS. Eius festum VII. Idus Iunii agitur. Quo verò anno Domini res mortales reliquerit ad cælestem beatitudinem translatus, mihi non liquet. Certum est, sanctitatem viri post mortem variis miraculis à Deo declaratam & illustratam esse. Anno salutis M. CCC. XVI. eleuatum est sacrum corpus S. DEOCHARI, præsentè Ludouico IV. Imp. Bauaro, & Philippo Episcopo Eystettensi, repositumque in sarcophago lapideo, portione de sacris Reliquiis Ludouico Imperatori data, qui eâ Norimbergensium Templum Laurentianum cohonestauit, in cuius altari duodecim Apostolis consecrato religiosè asserta est. Anno Domini M. CCCC. LXXXII. ipso Paschatis festo, præsentibus Wilhelmo Episcopo Eystettensi, nonnullisq; canonicis, apertus est lapideus ille, de quo supra, sarcophagus; in quo reperta sunt sacra ossa DEOCHARI, viridieoq; serico panno involuta, non sine gratissimi odoris fragrantia, quæ ex veteri conditorio exempta Wilhelmus Episcopus in nouum abs se procuratum transtulit.

Porrò tam Hernriedæ quàm Norimbergæ Deus varia miracula beatis hisce lipsanis interuenientibus, edidit; nam & cæcis visus, claudisq; gressus restitutus est: fugati omnis generis morbi etiam Epilepsia. Fædus strumæ tumor depulsus. Vita reddita iam ad mortis limina admotis: In præceps delapsi quidam absq; noxa, inuocato S. DEOCHARI subsidio. Deniq; multa alia beneficia ad sacros hos cineres mortalibus accurrentibus di-

uinitus concessa sunt. *Ex SS. Eystet.*

Grets. Obseruat. l. 2. c. 8.

S. DEOCHARVS
ABBAS.



Dilectus Deo et hominib⁹.

SDISIBODVS Hibernus, liberalibus disciplinis institutus, ætatis anno trigésimo presbyter ordinatus, iniuriis ac renitens Episcopus creatur. Sed cum immorigeros & vitiis deditos assidue arguendo, obsecrando, increpando nihil proficeret, iniuriis insuper affectus, atq; è sede sua pulsus, quam decem annis strenuè gubernarat, dereliquit: Hiberniaq; egressus, peruenit in Germaniam. Incitatus verò famâ S. Benedicti, qui non ita pridem è vitâ excelserrat, atq; discipulorum eius, missâ legatione, quàm plurimos eiusdem instituti & conuersationis viros religiosos ad se adduxit, quibus etiam oratorium & congrua domicilia construenda curauit. Ea verò fratrum congregatio, tam pietate erga Deum, quàm habitatorum numero crescebat, cunctaq; agenda & habenda, imperio S. DISIBODI subiacebant, communisq; ab illis vita secundum B. Benedicti institutionem exercebatur. Atq; hac ratione, effectum est, vt per multas prouincias insignium virtutum eorum fama sparsa sit, compluresq; ad eos venerint, consilia & auxilia animarum saluti opportuna ab eis expetentes: prædiaque & facultates suas DEO & B. DISIBODO hilari mente offerentes.

Cæterum cum iam triginta annis ibidem DEO seruiisset, ac fratribus suis verbis & exemplis egregiè præfuisset, anno ætatis suæ LXXXI. diem obiit extremum.

Ad eius sepulchrum complura diuinitus edita sunt miracula. *Ex vita ap. Sur.*



S. DISIBODVS. EPISCOPVS

Hic BENEDICTINOS primus DISIBODVS in oras
Theutonia adduxit Claustrag struxit eis.

SELISABETH virgo & Abbatissa Schönauensis monasterii, tanquam altera Elisabeth, spiritu sancto plena, præcurrentem Domini iram in filios hominum ut diuinitus cognouit, ita & diuino quodam modo posteris manifestauit. Mirabiles revelationes habuit, quæ nunc Germanico. nunc Latino sermone, cuius tamen expers erat omnino, pronunciatæ præsentiam illius, qui linguas infantium facit disertas, & aperit ora mutorum in ea adesse demonstrabant.

Obijt miraculis clara A. C. MCLXV. XVIII. Iunij.

S. HILDEGARDIS sanctimonialis primum in monte S. Disibodi, diuino dein mandato ad montem S. Ruperti confessoris in oppido Bingeni secedens, tantum Spiritus sancti gratia repleta est, ut tam nouum quam vetus testamentum ad integrum intelligeret, cum tamen antè, præter Psalterium nihil didicisset. Cuius scripta & prophetiæ tantæ auctoritatis fuerunt, ut agente S. Bernardo abbate, Eugenius Papa III. ea in Conc. Treu. publicâ sententia confirmari. Obijt A. C. MCLXXX. XV. Sept.

S. GERTRUDIS primum Rôdardesdorffensis Monasterii deinde Helff-tæ Abbatissa, eximie sanctitatis perfectione Deo familiariter coniuncta, & cælestibus reuelationibus assueta, ex instinctu spiritus sancti, composuit nonnullos libros magno Ecclesiæ fructu: & obiit A. C. MCCXC. miraculis celeberrima. Eius soror fuit S. Mechtildis, pariter diuinis reuelationibus clara, quas etiam conscripsit, ac obiit an. circ. MCCC. *Arnold. VVion. lib. 5. Ligni Vita.*



SSS. HILDEGARDIS, ELISABETH, GERTRUDIS,
 ABBATISSA ET PROPHETISSA, ORD. S. BEN,
 Consecuta nemini celestium Doctrinam precibus.
 & purissimâ Dei Contemplatione.

S INGELMVNDVS natione Anglus de stirpe Frisonicâ, cum esset presbyter, & abbas ordinis S. Benedicti, temporibus beati Willebrordi diuino instinctu venit ad fines Hollandiæ: vbi ferocibus & indomitis Kenemariis verbum salutis prædicauit. Et post multos labores, febris correptus, animam creatori reddidit, & honorificam sepulturam accepit in vico *Velsen*. Vbi etiam precibus suis aquam de terrâ produxit. Sanctum autem corpus per mysticam reuelationem creditur Valdericus, decimus quintus Episcopus Traiectensis adinuenisse, cum multis aliis corporibus, quibus diæcesim Traiectensem honorificè adornauit, anno Domini CMLXXVII. Natalem habent antiqua Missalia Calendis Februarij, sed à memoriâ hominum celebratus est in æstate, die XXI. Iunij, quando fortè est eleuatus. Est autem *Velsen*, pagus diæcesis Harlemonsis, vbi sanctus Ingelmundus etiam nostra memoria claruit miraculis, & patrocinio contra dentium dolorem. Sed caput auro involutum inde ante aliquot annos furto est ablatum. Cæteræ reliquæ postea à Geusiis per pauimentum templi sunt dispersæ, sed à custode collectæ, & in tuto loco conseruatæ. Eæ jam seruantur Harlemi, quia Velsæ omnes ferè ædes cum trabibus Ecclesiæ dirutæ sunt & exustæ, partim hostili incurusione, partim militum Regis necessitate. *Ex Mol. natal.*

SS. Belgij.



S. ENGELMVNDVS ABBAS ORD. S. BEN.

Hic natione Anglus diuino instinctu in Kenonariam circa annum DCC: fidem inuexit; Veste prope Hariemum aquam precibus de terra produxit, obiit XXI: Junij, miraculis etiam fulgens.

SEDILDRVDIS Annæ Anglorum Orientalium Regis filia, moribus & virtutibus integritate fuit admirabilis: primùm Thunberto Australium Giruorum Principi, in coniugium tradita, cum eodem pari voto virginitatem seruauit. Deinde eo defuncto, iterum à patre invita Egfrido Northumbrorum Regi sanctissimè copulata, eiusq; convictu, atq; consortio duodecim annis vsa, perpetuò tamen Virgo permanfit: ac tandem Regis ipsius consensu, regali diademate contempto, in Monasterio Ebbævni regi Christo se consecrauit. Et in summâ vitæ austeritate vixit, linearum vestium vsu sibi penitus interdicto, diuinarum rerum meditationi ita dedita fuit, vt ad horas aliquot precibus & lacrymis intenta perseueraret. Prima deinde Abbatissa Elyngensis Cænobij facta, postquam annis VII. sacrarum Virginum monasterium rexit, sanctissimisq; vitæ exemplis & monitis ad omnem sanctitatem formauit, vnâ secum plurimas ad portum salutis æternæ feliciter perduxit. Obijt anno DCXC. die XXIII. Iunij: Cuius corpus, cum post vndecimum obitus sui annum ad aliud sepulchrum deportaretur, ineffabili odore fragrans, ita incorruptum, integrumq; inventum est, ac fuerat ab omni corruptionis labe immune. *Ex vita & Anglicis Script.*



S. EDILDREDA REGINA ET VIRGO, ORDINIS S. BENEDICTI.

*Hæc primam Tumbercto, deinde Egferdo Regi nupta, cum viroq; virginata
tem. illibatam fecerat: demum Sanctimonialis & Abbatissa obiit XXIII
Iulij An^o DCXC. Eius corpus post XI annos incorruptum est reperiunt. JGM*

S ADELBERTVS filius Ediluualdi Deirorum Regis, neposq; S. Oswaldi Regis Northumbriæ, cuius filius erat Edilvvaldus Rex, pro Christo dimisit regale patrimonium: monachumq; egit in cœnobio Epternacensi quod à S. Willibrordo magistro suo cōstructū fuerat, & cum S. Egbertus instar duodecim Apostolorum duodecim congregaret Apostolicos viros, quos missurus esset ad prædicandum fidē Christi paganis & barbaris Frisonibus, hunc Leuitā vndecim presbyteris duodecimū adiunxit: quia anno Domini sexcentesimo nonagesimo, velut duodecim Dominici gregis arietes propere vento appulerunt in *Viltenburg*, siue Traiectum. Itaq; Adalbertus, primus Traiectēsis ecclesiæ Archidiaconus, post multorum paganorum conuersionem; & laudabilem sanctæ vitæ consummationem, multis miraculis clarus, sepultus est Egmondæ in Kenemaria, quæ etiam Hæcmunda appellatur. Vbi sub Theodorico primo Hollandiæ Comite corpus eius de tumultu leuatum est. Theodoricus autem junior, paternæ deuotionis æmulator, ibidem monasterium construxit Ordinis S. Benedicti, in honorem S. Confessoris ADELBERTI, quod hætenus *Egmond* dicitur, in diœcesi Harlemensi. Huius deniq; Theodorici filius, Egbertus Treuirensis præsul, per merita S. ADELBERTI à valida febri absolutus, eius vitam curauit describi per Medelocenses canobitas, quæ extat inter historias.

sanctorum mensis Iunij. Natalis enim incidit in diem XXV.

mensis Iunij. *Ex Mol. Natal.*

SS. Belg.



S. ADELBERTVS, ORD. S. BEN.

Hic regio patrimonio in Anglia relicto solus Leuita cum XI: socijs
 Prgbyteris ad Bonuales terras anno DCXC: venit, Harcmun:
 dam. et quaedam alia diocesis Harleimensis loca à gentilitate
 emundauit, ibiq; miraculis clarus quiescit. XXV. Junij.

S EBERHARDVS ex illustri Hilpoltstainiorum Comitum gente natus, parentes religiosissimos habuit. Literarum tyrocinium Babenbergæ posuit, hausitq; celeriter optimas disciplinas. Factus dein Canonicus, nudus nudum Christum sequi constituit, atq; clam omnibus ad Cœnobium S. Michaëlis confugit, vt monachum ibi profiteretur. Sed à Præposito ex Monasterio volens nolens extractus, quod jam in Monachum attonsus Babenbergæ non eleganter appareret, vnâ cum pædago in Gallias amandatus est. Ibi plurimum in literis, vsu, & prudentiâ profecit, ita vt reuersus Babenbergam maiores natu suâ auctoritate percelleret. Verùm quam semel induerat mentem, religiosæ vitæ complectendæ, exiit nunquam: & quadragesimum annum agens, Prüfeninganum Monasterium est ingressus. Cùm verò Biburgense Monasterium à fratribus fundatum esset, primus ibidem ab Othone Episcopo designatus est Abbas Eberhardus ex Prüfeningano euocatus, rexit annos XIII. Exin Conrado Archiepiscopo Salisburgensi fatis functo successus, A C; MCXLVII. curauit Episcoporum annis XVII. A partibus Alexandri Pont. contra Fridericum Imp. stetit; vitæ innocentiam vndiq; coluit, ita vt miseros vbiq; omni ope, consilio, auxilio presens absens subleuaret; pauperū vlcerosorum, Elephantiacorum tuguria per se coram adiret, reuisceret, victūs & morbi subsidia benignissimè præberet, sordes, vomicas, faniem, taboq; fluentes artus ipse contrectaret, nihilq; prætermitteret officij, quod ab infimo quoque non sine fastidio & horrore præstari solet. Tandem patratis multis diuinis pietatis operibus & miraculis, migravit in cælum Cal. Iulij A. C.

MCLXIV. *Ex Bau. sancta.*

Raderi.



S. EBERHARDVS ARCHIEP. SALISB. ORD. S. BEN.
*Præsul Tuamæ fuit hic EBERHARDVS, egeni.
 Cuius erat dando semper aperta manus.*

S OTHO ex nobilissima & religiosissima Andecensium comitum stirpe natus, patrem habuit Bertoldum II. Literis à puero eruditus, easdem mox in Poloniam profectus iuventuti tradidit. Dein legatione Ducis Poloniae Polislai perfunctus, Henrico Imperatori ab Epistolis & Sacellis fuit, quo agente tandem Babenbergensis Ecclesiae curam & Episcopatum, cum duos jam recusasset, accepit, magnasq; res cum virtutis studio, tum populum pro concione docendo effecit, variaq; Cænobia & templa partim condenda, partim instauranda curavit. Polislaus cum Pomeranos bello subegisset, eosdem cupiebat Christianâ disciplinâ ad caelestem cultum informari. OTHONEM ad hoc diuinum diuinæ legis promulgandæ munus invitat, qui acceptâ ab Honorio Pontifice R. potestate, fausta q; comprecatione eam gentem, quamvis horridam ac barbaram multis passim & ingentibus editis miraculis, magnisq; laboribus & periculis defunctus caelesti fonte tinxit, & ad omnem vitæ humanitatem ac honestatem traduxit. Postremò vitæ tumultuosæ pertæsus, cum ad religionis statum veluti quietis diuinæ portum aspiraret, frustra sacrum abdicare magistratum conatus, eundem administrare, quoad vita superesset, iussus est. In Moguntino Concilio patribus adsedit. Vitâ tandem & ævo laboribusq; exhaustus religiosissimè diem obiit extremum, cui funebrem dixit laudationem Imbrico Pontifex Herbipolensis, quæ & hodie legitur. Vixit annos LXX. migravit MCLXXXIX.

VI. Non. Iulij. *Ibidem.*



S. OTHO EPISC. BAMBERG. ORD. S. BEN.
*Dum caelestis Otho uerbi pia semina spargit.
 Ad pia signa crucis gens POMERANA uolat.*

S LANFRANCVS natione Transalpinus, patriâ Papiensis, ab incunte ætate in literis educatus, & cum adoleuisset, progressus in Normanniam venit, famâ & celebritate Elisini Abbatis Beccensis provocatus in itinere Rhotomagum profecturus, vespèri per Syluam transiens, incidit in latrones, à quibus manibus ad tergum alligatis spoliatus, & in densum coniectus est. Manè à viatoribus transeuntibus opem clamore petijt, & solutus est. Inde ad Beccense cænobium se contulit, ybi Monachus primùm, deinde Prior Beccensis fuit. Postea Abbas S. Stephani Cadomenis cænobij, quod Guilelmus Dux crexerat. Deinde Guilelmus Angliæ regno potitus, LANFRANCVM omni literarum genere excultum, & in quo summam gerendi regni spem & fidem collocauerat, ad Archiepiscopatum Cantuariensem ex Normannia vocat: quem LANFRANCVS, & à Rege coactus, & à Papa Alexandro iussus suscepit. Porro LANFRANCVS non modo ob Ecclesiæ sed ob Reip. administrationem spectatæ fuit antistes industriæ. Absente enim Guilermo, omnia LANFRANCO mandabantur, qui summa prudentia cuncta moderatus, procures atq; plebem in officio tranquillè, sine vllò motu continebat.

Eodem tempore. Berengarius Turonensis in hæreticam prolapsus prauitatem, omnes Gallos, Italos & Anglos, suis jam penè corruerat prauitatibus, nova & inaudita ac falsa asserens super Sacramento altaris, & transubstantiatione, tam panis in carnem, quam vini in sanguinem. Sed Lanfranci prudentia, omnes versutias adversariorum detegens, Catholicam circa illa omnia confirmauit veritatem. In Cantuariâ maiorem Ecclesiâ, cum officinis renouauit. Dignitates multas eidem Ecclesiæ acquisiuit, maneria restaurauit, Xenodochia duo stabiliuit, hæreses condemnans fidem roborauit, ordinem monasticum elegâter informauit, Ecclesiâ apud Rossam reformauit, libros quos rudis simplicitas Anglicana corruerat, ab antiquo diligenter sanè correxerit, quorum corroboratione se gaudet Ecclesiâ communiri. Obijt V.

Non. Iulij, secundum Westmonasteriensem IX. Cal. April.

A. C. MLXXXIX. *Ex Angl. Script. pref.*

Matth. V. Westmon.



SVDALRICVS nobili loco natus, ab ineunte ætate piè institutus, in omni vitâ Christianis virtutibus præluxit. Puer ab omni intemperantia refugit: habitu, incēssu, & vultu morum grauitatem præ se tulit. Adulta iam ætate in canobio S. Galli religiosi monachis in disciplinam traditus, cum in litteris, tum in ecclesiasticæ disciplinæ studiis mirificè profecit. Virtutum igitur progressionibus cum in dies maiorem laudem collegisset, tandem Augustæ Vindelicorum Episcopus creatur. Qua administratione susceptâ, totus in id incubuit, vt quem beatus Paulus Apostolus episcopum expressit, illum vitæ exemplis, castissimâ religione, diuinæ pietatis officiis, omniq; episcopali sanctitate perpetuò imitaretur. Abstinencia enim magna fuit, & admirabili: carnibus non vesceretur, humi cubabat, vili stramento subiecto: erga omnes hospitalitate ac liberalitate vsus, tum erga pauperes imprimis, quos in mensâ conuiuas semper adhibuit. Religionis causâ aliquoties ad limina Apostolorum Romam peregrinatus est. His aliisque religiose sancteq; factis, ac miraculis præterea multis, quibus illius sanctitatem notam Deus esse voluit, tertium & octuagesimum annum agens ad præmium abiit in cælum, Die IV. Non. Iulii A. C. CM LXXIII. Anno ante obitum decimo octauo, prælio interfuit, quo Otho Magnus Imp. Hungaros, qui Augustam obsidione cinxerāt, internecione cecidit, quo tempore VDALRICVS inter medios telorum iactus sacerdotali stola tectus volitabat, & CRUCEM diuinitus sibi missam ab Angelo accepit. *Ex vita.*

NOTATIUNCULA.

Hic non immerito inter Benedictinos numeratur, cum non solum in monasterio educatus fuerit, verumetiam Regulam S. Benedicti in Episcopatu obseruauerit: habitum portauerit: licet professionem ab Ingelheimensi Episcoporum concilio prohibitus non emisit.



S. VDALRICVS EPISC. AVGVST.

*Hic mira abstinentia, largitatis, & vigilantia, ac miraculorum
gratia illustris cum esset, in signum victoriæ contra Hun-
garos, CRUCEM per Angelum cælitus sibi missam accepit A.C. CMLV.
Ob. IV. Iulij A.C. CMLXXIII.*

S WILIBALDVS natus est A. C. DCCIV. patre Richardo Rege in Angliâ, matre Bonna S. Bonifacii sorore. Triennis maximam incidit corporis infirmitatem, verum ante sacrosanctam Crucifixi imaginem voto edito, sanitatem recuperavit. Quinquennis oblatus est Deo in monasterio Waldtheim sub Abbate Egbaldo, in quo mirificè profecit. Cum patre & fratre Wunibaldo posthæc peregrinationem sacram suscipiens, Lucæ Italiæ vrbe patre mortuo, Romæ & ipsi diuturno vexati sunt morbo. WILIBALDVS sanitate recuperatâ Hierosolymam, sacra loca visurus contendit, omnemq; peregrinationem septennii spatio absolvit. Inde in Casinenſi monasterio quieuit: Romamque reuerſus, à summo Pontifice destinatus est cooperator vineæ Domini ad S. Bonifacium. A quo primus Eystettenſis Ecclesiæ Episcopus constitutus est A. C. DCCXLV. ætatis suæ XLI. Præfuit summâ cum laude sapientiæ ac pietatis, annis sex supra triginta plurimasq; res sanctè ac præclarè gessit, quæ luculenter descriptæ habentur. Excessit è vitâ anno Christi DCCLXXXI. Nonis Iulii, ætatis LXXVII. cum multiplici bonorum operum fructu, animarumque lucro, Confessor officio, studio & multorum annorum laboribus Martyr.

Sepultus est in vrbis à se constructæ summo templo, miraculis illustris. SS. catalogo adscriptus est à Leone VII. anno Domini DCCLXXXIV.

Ex eius vita.



S KILIANVS Hy. benus, nobilis. Monachus factus, assiduis ieiuniis, vigiliis, & diligenti rerum cælestium commentatione. tantum profecit, vt maximam opinionem adeptus. in præsulem Monasterii eligeretur. A Romano postea Pontifice consecratus Episcopus & ad prædicandum Euangelium. missus, venit Herbipolim; vbi Gosbertum ducem Franciæ Orientalis. cum aliis multis sacro fonte abluit. Gladiis deinde sicariorum, quos Ducis coniunx subornarat, cum sociis occubuit, Die VIII. Iulii anno Domini DCLXXXV. Ipsa verò simul cum percussoribus à Dæmoniis arrepta, facinoris sui pœnas æternas luit. Huius verò rei testimonium in præsentem diem legitur Herbipolis in cryptâ Ecclesiæ, his versibus à S. Burchardo monacho, & Episcopo Herbipolensi compositis, & sepulchro eius affixis:


*Hi sunt Herbipolis, qui te docuère Magistri,
 Qua verum coleres religione Deum.
 Impia quos tandem iussit Geilana necari,
 Calauitq; sub hunc corpora cesa locum.
 Ne turpi sine laude sitū deserta iacerent,
 Corpora Burchardus sub monumenta locat.*



S. KILIAN, EPISCOPUS ET MARTYR ORDO BEN.
 Hic Franconiae Apstolus, Ducem Geshbertum ad Christi fidem con-
 uertit, et cum Colomanno Presbytero & Iohanno Diacono martyrio
 coronatus est, anno DCLXXXV. die VIII. Mens. Iulij

S H I D V L P H V S. Monachus primū, Deinde Treuirensis Archiepiscopus creatus, fauore Pipini Regis Franciæ, inter multa bona, quæ operatus est, Monasteriorum ædificationi operam dedit : & imprimis cænobium S. Maximini, iam vetustate penè collapsum ex integro restaurauit, & tantum reddituum reliquit, vt sufficeret centum Monachorum alimentatiōi. Tria itidem alia Monasteria in saltu Vosēgi construxit, in quorum vno, Episcopali curâ relicta, Abbas effectus, in eodem ad mortem vsque miraculis claruit. Obiit quinto Idus Iulij, & in Monasterio suo sepultus est. Vixit anno Domini DCCL. *Ex Trithemij lib. 4. c. 74.*

Cratepolio, & alijs.





S. HYDVLPVVS ARCHIEP. TREV. ORD. S. BENEDICTI.

*Hic liberandis mercurionis Clarus. Idib. Iulij
Natauit ad Christum An. DCCVII.*

BEGINO Augustinus natus, & à teneris in Monasterio SS. Vdalrici & Afræ educatus, & sacris literis eruditus. miros in virtutum stadio progressus fecit. Tempore verò Schismatis Henriciani in S. Blasii cœnobium secessit, vbi etiam Gebhardo Constantiensi Episcopo, eadem causâ sede pulso familiaris effectus, eiusdem laborum comes indiuiduus, ab eodem semel ac iterum ad summum Pontificem ablegatus fuit. Inde ad Monasterium suum reuocatus Augustam, eidem Abbas præfectus fuit, A. C. MCIX. Vbi reformationi sedulo insistens, miraculis etiam claruit. Sed cum Hermannò Episcopo excommunicato communicare nollet, ab eodem Cœnobio pulsus est; vbi stupenda acciderunt. Nam impio armatâ manu irrumpente, ambitus claustrî terræ motu fortiter concussus est, & Campanili nutante, campanæ vltro sponte suâ sonitum ediderunt. Adhæc tumba S. Afræ, ferreis vinculis dissilientibus, ferè reuerata est. EGINO cum duodecim fratribus euasit, & acceptis à Moguntino Archipræsule litteris commendatitiis, Rosellæ à Summo Pontifice benignè acceptus, cum eodem Romam profectus est. Vbi acceptâ de manu Pontificis sacra communione, & non semel ab eodem exosculatus, benedictione acceptâ, impetratisq; , quæ postulauerat, in reditu Pisis in morbum incidit, vbi sacramentis Ecclesiasticis munitus, sapiusq; Psalmum *Laudate pueri Dominum* pronuncians, tandem in vltimo versu beatam Deo animam reddidit XV.

Iulii A. C. MCXXII. Quiescit in S. Michaëlis Camaldulensium templo. *Ex vitâ per Vdalricum.*




B. EGINO ABBAS ORD. S. BEN.
 Hic cum ab Hermannno Episcopo excommunicato
 exagitatus Augusta profugeret, Romæ a Paschali
 II. P.M. benigne exceptus, in reditu Pisis uita exce-
 ssit, miraculis clarus. XV. Jul. A. C. MCLXVII.

CC. MM. hac occasione ad palmam martyrij peruenere. Ad insigne & clarissimum Conobium S. Petri à Cardegnâ acies dirigebat Zafa Rex Arabum, vbi ducenti monachi debebant sub disciplinâ Stephani Sanctii Abbatis, viri probi, & religiosi, instituta S. Patris Benedicti sequentes. Erat autem huic Tyranno inuisum & exosum genus omne monachorum, vt qui arctius Christianam professionem sequerentur, & alios ad eiusdem obseruantiam firmitus continendam, verbo & exemplo hortarentur. Tentat Abbatem, & Monachos Zapha blanditiis, deinde minis: sed ab Abbate Stephano Sanctio confortati monachi, & animati exemplo SS. Iusti & Pastoris, quorum natalicia illo die celebrabat Ecclesia Hispanica, quorum alter tredecim, alter septem annorum ætatis, non iniquitati se vltro obtulerant iudici, & tanta constantiâ martyrium pertulerunt, esse verècundum, à pueris tenerâ ad eò ætate, grandes superari, insistendum eorum vestigiis, & multorum monachorum, qui Cordubæ necem pro Christo pertulerunt sponte. Omnes igitur in parte claustrî congregati vnanimis Christum confessi, & Mahometum, & eius spurcam legem execrantes, Ismaëliitarum gladiis ducenti Monachi cum Abbate Stephano Sanctio, vno die pro Christi fide tuendâ, confossi, & iugulati crudelissimè fuere. Conobium euersum, supellex direpta, vestes & vasa sacra sublata.

Contigit hoc facinus anno C. DCCCLXXXIV.

Ex Alfonsi Ciac. cap. 13. de

200. Mart.






CC. MARTYRES Ordinis S. Benedicti Mon:
S. Petri a' Cardegna cum Stephano Sanctia Ab:
bate an. 872. die 6. Augusti a' Saracen. interfecti.

S HIERON genere Scotus, ac nobilitate insignis, cum esset parentibus suis vnicus, nequaquam mundi illecebris detineri potuit, sed Dei famulis se jungens, vniuscuiusq; sectabatur virtutes. Cumq; ad presbyterij gradum suo merito conscendisset, multos in Frisiæ partibus à diuersis erroribus auertit ac liberauit. Demum, prout optauerat, calicem passionis bibit, sub persecutione enim Danorum & Nordmannorum ad tribunal protractus, post flagella & carcerem, reliquasq; iniurias, ense martyrium consummauit. Caput eius est in *Norduvick*, loco martyrij, corpus paulo post per diocesana Episcopum, & Theodoricum secundum Comitem Hollandiæ, accedentibus miraculis translatus est Egmondam in sancti Adalberti monasterium, præmissio ex more triduo ieiunio.

Festum valdè notum est Hollandis: multi enim eius beneficio res suas deperditas recuperarunt. Vnde versus exstat:

Rebus in amissis IERON sapièssimè fulget.

Ex Mol. nat. SS. Belgij.





S. IERON MARTYR. ORD. S. BEN.

*Nobilis Scotus, sanctitate, sacerdotio, zelo animarum, & miraculis
eximius. Natus eius agitur XVII: Augusti, in Nordmanniæ diocesis
Harlemensis, ubi à Duce S. Norðmannis, circa annum DCCCLVI. vs
Christo flagella, carcerem, aliq; diu perpeßus gladio occubuit.*

S CAROLOMANNVS primùm Franciæ Rex, deinde pro amore Dei regnum Franciæ reliquit, ac Romam ad Zachariam Pontificem, cum honestissimo Francorum comitatu concessit, multaq; eximia dona beato Petro Apostolo contulit. Et à dicto sancto Pontifice clericatus jugum suscepit. Et mox in monte Soracte monasterium sibi condidit, idq; sancto Siluestro dicauit, quod ibi latuisse sanctus Pontifex miserrimis suis temporibus, diceretur. Offendit autem *Carolomannum* eo loci assidua Francorum prætereuntium, & ad se, tanquam ad Dominum adeuntium, turba: quodq; propter contemptum regni terreni laudibus extolleretur. Vnde cum fido socio se Casinum recepit, ac rigida se S. Benedicti disciplina devinxit. Cui in eodem proposito sese adiunxit Rachis rex Longobardorum. Accidit aliquando vt CAROLOMANNVS hebdomadarius, ad coquinæ officium deputaretur, cumq; in multis ignoranter offenderet, coquus vino exæstians, ter ei alapam dedit. Quæ ille placido vultu pertulit. Sed ab indiuiduo comite indignante, dignitas eius prodita est, & deinceps cum magna reuerentia est obseruatus. Quamquam autem mundum reliquisset, invitustamen profectus est ad fratrem suum Pipinum, ad dissuadendum expeditionem belli Longobardici. Neq; enim ipsa abbatis sui iussa detrectare, neq; abbas aut Rachis monachi preces repudiare, aut Aistulphi fratris eius, regis, imperium ausus est recusare. Hic, relatione de bello facta, summo studio causam Longobardi, sed iniquis omnium auribus, egit, ac non multo post in Viennensi monasterio diem clausit extremum. Cuius corpus iussu regis ad monasterium S. Benedicti, in quo monasticum habitum susceperat, relatum. Addit Volaterranus lib. 2. eum in Casino iussu greges loci pauisse: ea propter iure inter beatos annuerari.

Ex Mol. natal. SS. Belgj.



S. CAROLOMANNVS AVSTRASIE REX ORD^s ben

Monachus primum Morlis Soractis deinde
 Casimirtanica in S. Benedicti Disciplinam
 fuit observantiaut Abbatis in fsgreges
 Eius loci pasceret obyt Anno DCCIV XVII Aug

S BERNARDVS Burgundus, nobililoco natus, adhuc materno clausus. vtero matri velut catellus candidus, ac latrans visus est, quo magnam vitæ puritatem sectaturus, & suo latratu prædicationis, hostes Ecclesiæ percussurus non imperitè quidam religiosus augurabatur, vt evenit. Adolescens quippe formæ venustate conspicuus, ad Veneris spurcicias velut alter Ioseph sapius allectus, nunquam tamen irriteritus, florem virginittis illibatum seruauit. Quin etiam cum curiosius oculos in quandam fæminam defixisset; absq; morâ nudatus, ingressusq; conglaciatum stagnum, libidinis ardorem glaciali frigore sapienter extinxit. Parentibus vita functis, non se solum, sed & cohortatione fratres suos, calcata humanarum rerum vanitate traduxit ad amplectendam vitæ religiosæ perfectionem. sed Niuardum natu minimum, cum collactaneis ludentem prius allocuti, vniuersâ se cedere hæreditate aiebant. Ad quos puer minimè pueriliter, vobis ergo, inquit, cælum, mihi terra? Non ex æquo hæc diuisio, atq; ille sic abeuntes paulo post secutus, nullis amicorum precibus potuit detineri. BERNARDVS igitur tali fratrum suorum conuersorum prædâ potitus, ingressus Cistertium, magna virtutis incrementum suscepit, frequenter illud sibi inculcans, *Bernarde ad quid venisti?* Porro mirâ corpusculum asperitate tenuans, quoties ei præbebat alimentum, toties ad atrox subeundum sibi visus est ire tormentum. Et leuitates oculorum sic edomarat, vt multo tempore templum cænobij frequentans, vnâ tantummodo fenestrâ lumen admitti crederet. Binas etiam Episcopales Mediolanensium ac Genuensium thiaras oblatas, ipse tantâ dignitatis mole, vel imparem, vel indignum se censens, modestissimè recusauit. Gulielmum Aquitaniæ ducem Romano Pontifici rebellem, Eucharistiæ sacramento extra templum elato, ad terram prostravit. ore spumas agentem; qui resipiscens, postea vitæ sanctimoniâ claruit. BERNARDVS autem plurimis miraculis patris, & grauib; Ecclesiæ procellis sedatis, famâ sanctitatis latè vulgatâ, & *Melliflui Doctoris*, cognomen.

Scriptorum suauitate consecutus, sanctam conditori reddidit.

animam, XX. Augusti A. C. MCLIII.

Ex vita ap. Sur.



S. BERNARDVS ABBAS. E. D.

BERNARDVS nunci ut respexit ad vera signi:
Lacteus illius fluxit in ora liquor.

S REGINBALDVS ex illustri Kyburgensium & Dilingensium Comitum stirpenatus, primus Monasterij SS. Vdalrici & Afræ Augustæ Abbas fuit; inde Eberspergam evocatus, vndecimq; annos in Boicâ versatus, magnâ sibi virtutis & pietatis laudem collegit. Sed præcipuè benignitas eius in pauperes prædicatur. Eberspergâ ad Laurishamense Cænobium missus, vbi inter cetera pietatis opera, vti eius monasterij annales produnt, *misericordia compassionisq; visceribus totus diffuebat: adeò vt inter beatos pauperes regnum celorum possidens, iustitia eius maneat in seculum seculi, & eleemosynas eius enarret omnis Ecclesia sanctorum.* Chunradus Salicus Imp. virtutis famâ permotus. anno MXXXII. ad Spirensis Ecclesiæ Episcopatum euraui provehi, cui per annos VII. insigni cum laude præfuit, qualem nempè decebat illum, qui ex longâ & religiosâ disciplinâ ad infulam invitus esset protractus. Mortuus in Sanctorum numero habitus. Candelabrum Spiræ in summa æde pensile ex ære auro obductum, eximij operis, REGINBALDI munus est. Versus inscripti XXIV. auratis quamquam literis, ætatis plumbum non potuerunt tegere. Sub finem ferè, hi duo ad MARIAM Virginem leguntur.

ISTVD NON MAGNVN DIGNANTER SVSCIPERE MVNVS,
QVOD REGINBALDVS TIBI PRÆSVL REDDO MISELLVS.

Obijt XXI. Augusti A. C. MXXXIX. Ex SS. Aug. & Ban. Sanctæ Raderi.



S. REGINBALDVS

Ex Abbate S. Vdalrici Augustæ, Eberspergenti,
 Laurishaimensi, Episcop' Spirensis. ORD. S. BENED.
 Mithrarum titulos tibi REGINBALDE dedere..
 Prasule gaudentes Rhatia, Boia, Nemes.

S MAGNVS, S. Galli Monachus cælesti visione admonitus, peragratis præ-
ribus regionibus, sparsaq; in iis Euangelii doctrinâ, ad alpium Iuliarum fau-
ces contendit; quo itinere cæcum illuminauit. Agrum autem Campido-
nensem attingens, olim quidem cætu hominum frequentem, tum verò incul-
tum & desertum; offendit vermium & serpentum colluie ac dæmonum in-
festatione ita horridum, vt nec feræ venatoribus elapsæ, nec homines casu eò
delati, tueri vitam possent à miserabili interitu. Quin & vlteriùs progressus, in
horribilem serpentem incidit, quem virtute Dei enecauit; moxq; omnium ser-
pentum & vermium monstra vniuersa disparuerunt, virtute ac potentiâ ora-
tionum MAGNI expulsa. Repurgato autem ita eo loco, & ad habitandum ac-
commodato, magna vicinorum gentilium turba ad Christum conuersa est.
Veniens deinde ad locum Equicaput dictum, horridum & immanem draco-
nem, sanctis reliquiis signoq; crucis munitus, precibus suis extinxit. Demum
ad fauces alpium pertingens, monasterium extruxit, hodie *Fiesen* nuncupa-
tum, ibiq; magnas virtutes operatus est, cæcis visum, surdis auditum, claudis
gressum reddidit; truculentas quoq; feras obedire sibi fecit. aliaq; plurima edi-
dit miracula, quibus magnam incolarum eius loci multitudinem, ad Christi fi-
dem perduxit. Posteaquam autem XXV. annos in eodem cænobio vixerat,
ætatis suæ anno LXXIII. viri Deo dilecti & sanctitatis laude celeberrimi anima,
corpore leniter soluta, migravit VII. Id. Sept. in cælum; corpus eidem mona-
sterio perpetuum relinquens ornamentum. Memoria verò eius vbiq; celebra-
rima est, ita vt propter continua miracula, quæ per eius V. Reliquias tam in a-
gris quam in iumentis, & hominibus passim patrantur, XIV. SS. Auxilia-
oribus, XV. sit adiectus, vti testantur non solum antiquissima

Missalia, verùm & recentia PP. Prædicato-
rum.



S. MAGNE
 Abba Fundator & Patronus Monachy Fießensis
 ora pro nobis

S CORBINIANVS in Melitonensi agro natus, pietatis studio apud Gallos floruit. Monasterium ad S. Germani Ecclesiam condiderat, vbi cum annos XIV. vixisset, erebrescente sanctimonie famâ, quotidianis omnium ordinum adibatur concursibus. Offensus eâ re, Romam abit, solum aliquem ad D. Petri basilicam angulum à Pontifice impetraturus, quo vni Deo vacaret. Verùm Gregorius Pont. promotum per sacrorum ordinum gradus, Episcopum creat, additâ sacrâ benedictione, quâ exercendæ dignitatis vbicumq; terrarum fieret potestas. Eam ita gessi t. vt priorem sanctimonie opinionem miracula diuinitus edita exaugerent. Boiorum etiam ruditeriam miserans, verba de rebus diuinis sæpe vtiliter in publico fecit. Aliquando nox euntem inter aspera alpium in campis ad siluam, Breonum oppresserat, cum equum clitellarium, incustoditum ab vrsu raptum dilaniari contigit; tum CORBINIANVM farcinam quæ prius iumentis fuerat, vrsu imponi iussisse ferunt, paruissæ beluæ, syluestri ingenio deposito, vicariâ operâ toto reliquo itinere functam. Grimoaldum Boiorum ducem, qui Pilitrudem relictam Theodibaldi fratris, iustæ coniugis loco domi haberet, ad pœnitentiam facti deduxit, ab eoq; Ecclesiam S. Mariæ Virginis Frisingæ, quæ Episcopo sedes destinata, cum amœnissimo terrarum tractu, accepit. Tandem cum mortem ex propinquo imminere, animo præsensisset, lotus rasusq; sacram vestem induit, sacrificium offert, & mysteriis perceptis, domum redit vbi cum vinum poposcisset, vix gustato, fronteq; cruce signatâ, extremum spiritum, nullâ cum doloris significatione reddidit. Funus à ministris Frisingæ ad D. Mariæ curatum. Post dies triginta corpus exhumatum, integrum repertum est, per omnia suauiter dormienti, quàm mortuo similis: moto calidus de naribus sanguis fluxit. Accessere alia tum in itinere, tum Maiis miracula. Vt ad S. Valentini humatus, triduo post interpestâ nocte in eâ ipsâ Ecclesiâ visa candidissima funalia tanto splendore exardescere, vt diem vincere crederentur, & iucundissimus odor fusus est.

Obiit. VIII. Sept. A.C.DCCXXX. *Ex vitâ S. Corbi-*

niani & Vels. rer. boic. lib. 4.



S. CORBINIANVS. EPISC. FRIS. ORD. S. BEN.

Immanem uerbis usum parere Gœgit.

Et graue ferre sibi CORBINIANVS onus.

STHEODARDVS in Episcopatu Traiectensi successit S. Remacio anno
 . DCLIII. cum is Stabulerum ad quietem successisset. Fuerat is antea Ab-
 bas Stabulensis, consilio eiusdem Remacii, & S. Cuniberti Colonienſis Anti-
 ſtitis, in ea dignitate constitutus; quorum posterior & Episcopum ipsum con-
 ſecrauit. Cumq; pro rebus Ecclesiæ suæ recuperandis, ad Childericum Au-
 ſtrasiæ Regem pergeret; auxilium contra inuadentes prædiorum postulaturus,
 in Siluâ *Briwaldi*, haud procul ab vrbe Spirensi, ab ipsis prædonibus est truci-
 datus, capite in frustra secto, corporeq; membratim dilaniato, A. C. DCLV. vt
 Baronius & Bucherius supputant. Sigebertus ad annum DCLVIII. eius mar-
 tyrium refert: qui & vitæ historiam, à peruetusto auctore scriptam emenda-
 uit; extatq; apud Surium.

Mortem eius in testimonium sanctitatis, euidentia signa sunt subsequuta.
 Eius corpus suo quasi jure postulauit discipulus & successor martyr Lamber-
 tus, tandemq; obtinuit, ac Leodici sepeliuit: vbi quiescit hodieq;
 in basilicâ Cathedrâli, cum eodem S. Lamberto &

S. Floriberto. *Ex Myrafastis & Mo-
 lani Natalib.*



S. THEODARDVS EPISC. ET MR. ORD. S. BE.
 Ex Abbate Strabulensi Episc. Traiecti
 Pro Ecclesiar defensione crudeliter Crucidatus
 est. capite in frustra secro. A. C. DCLV. X. Sept

S L A M B E R T V S Traiectensis literarum disciplinas Landoaldo Magistro combibit. Theodardo verò Traiectensi Episcopo impiâ à barbaris cæde, sublato, L A M B E R T V S in illud oneris atq; honoris fastigium subuectus est, quâuis inuitus. Ille igitur vigilantissimi pastoris munus obiens, gregem sibi creditum factis primum, inde verbis ad omnem religionem formabat. Cùm autem veritatis prædicator, inuidiam multorum sustineret, per Ebroinum Tyrannum sede suâ pulsus, exulauit, Pharamundo subrogato. Ipse verò in Stabulense, monasterium sese abdidit. Vnde septennio transacto eductus, à Pipino in pristinam sedem restitutus, non suum tantummodo populum, sed & finitimos Taxandros adhuc ethnicos, curâ & piâ solitudine complexus, eisdem ad fidem traduxit eorum Apostolus appellatus. Pipinus autem legitimâ vxore pulsâ, nimis Alpaidi pellici adhærescens, cætera egregius, vno scelere multas virtutes obscurabat. Hoc eius tam publicum & infame flagitium, cæteris Episcopis dissimulantibus, & velut canibus mutis latrare non valentibus, solus L A M B E R T V S Ioannis Baptistæ libertatem æmulatus, graui verborum seueritate perstrinxit. Cæterum impurissima pellex, cùm se ab amore Principis, velut altera Herodias, diuelli non pateretur, homini sanctissimo insidias exitiumque comparauit. L A M B E R T V S igitur de sempiterno Pipini exitio mærens, ab illius conspectu digressus, consilio pellicis in villa Legiâ ante altare SS. Cosmæ & Damiani, diductis in formam crucifixi brachiis telo confossus occubuit XV. Cal.

O & A. C. DCXCVIII. Inde q; sanctissimum corpus ablatum Traiecti in Apostolorum Principis Ecclesiâ magnificè conditum est. *Ex vita apud Sur.*



S. LAMBERTVS TRAIECT. EPISC. M
ORD. S. BEN.

*Hic insidjs Alpaidis impurissima Lynni peltis cuius infame flagitium
seuere perfrinxerat in villa Legia ductus in formam Crucifixi
brachys tēb confusus occubuit A.C. DCCVIII*

S E M M E R A M M V s Pictonum vrbe Augustoritorum in Aquitaniâ oriundus, literis sacris, & disciplinâ Christi à puero domi eruditus, vbi adoleuit, Hunnos in Pannoniis ad Christi sacra conatus est adducere. Delatus in Boicam Reginoburgum, incidit in optimum principem Theodonem, qui illum, omni ratione cæpit retinere, & persuasit, vt in Boicâ rem Christianam adiuuaret. Emmerammum præ Ducis verbis res ipsa mouit, recentes in Christianâ fide Boii, à simulachrorum cultu vix temperabant, maiores præsertim natu. Hos plerosq; omnes emendauit sanctitas & virtus EMMERAMMI qui totum triennium in Agro Boico excolendo posuit. Cùm post diuino spiritu afflatus, iter Romam religionis nomine adornaret, Vta Theodonis filia, ex Sigibaldo primariæ nobilitatis iuvene ventrem ferens, (neq; res diutius celari poterat) Emmerammum, de discessu cogitantem, supplices adeunt, & ad pedes abiecti, opem miserandum in modum implorant. Episcopi animum adolescentum miseratio subiit, grauius increpitis, criminis in se transferendi potestatem facit, ipse viam ingreditur. Trium dierum iter progressus, nullâ manifestâ de causâ expectabundus substitit, mirantibus comitibus. Vta interim stuprum falsâ ipsi imputauerat. Pater iratus, bonis exutam in Italiam exulatum mittit. Lantbertus frater EMMERAMMVM citato cursu insequitur, & vt Helfendorfi substiterat, breui assequutus, statis tertiæ horæ precibus, ante sacras reliquias lucernis ardentibus, vna cum clericis vacantem reperit. Mox productum acerbè irridens, Salue, inquit, Episcope, salue affinis : simulq; scipione quem manu gestabat, in astantis pectus ferociter impacto, satellitibus excarnificandum tradit. Per omnia membra sæuitum, oculi eruti, lingua, aures, nares, manus pedesq; & quæ honestè nominari non possunt amputata, nullo interim lethali vulnere, quo mortem inter summos dolores in longum traherent. Ipse Deum laudibus & precibus continenter venerans, de curru depositus exspirauit, immensæ simul lucis splendore perfusus, quæ morientis ore progressa, & rectâ in cælum lata, spectantium oculos in fulminis morem perstrinxit. Accidit XXII.

Sept. A. C. DCLII. *Ex vita & lib. 4. rer. Boic. Vels. & in Congesto
virorum illustrium Ord. S. Ben. eidem reli-
gioni ascriptus.*



S. EMMERAMMVS EPISC. M. ORD. S. BEN.
*Brachia miraris truncata, & crura! alias
 Noxas fraternus pendere iussit amor.*

S GERARDVS natione Venetus, Monachus S. Georgij Maioris, de licentia Abbatis Venetiis soluens iter Hierosolymitanum per Pannonias aggredi cæpit. Sed à S. Stephano Rege prædicationis causa retentus, in monasterio Beelagri Eudensis, soli Mauro monacho cognitus, septem annorum spatio contemplationi rerum diuinarum vacauit. Inde à rege evocatus, A. C. MXXXVII. & sedi Canadinensi, quæ est ad littus Morisij fluminis, impositus, adeò strenuè officium sibi commissum executus est, vt multos tam verbo quam exemplo ab infidelitate, quæ adhuc detinebantur, ad fidei semitas adduxerit, & martyrij gloriam consecutus sit. Miro erga cæli Reginam ferebatur affectu. Ad eius aram thuribulum argenteum collocauit, duosq; prouectæ ætatis homines adhibuit, qui perpetuò vigilarent, ne vnquam thymiana odoramentumq; deficeret. Nihil vnquam denegauit, quod diuæ **MARIÆ** nomine peteretur. Eodem autore **DEIPARA** à Pannonibus **DOMINA** est semper appellata. Qui verò de intemerata virgine loquens **DOMINÆ** nomen tauisset, ei ex Gerardi lege genua illicò flectenda erant, & corpus humi prosterendum. Iure igitur Pannonia à S. Stephano Rege suo, *Familia S. **MARIÆ*** dicta est. **GERARDO** tandem cum mors pro Christi nomine inferretur, illud memorabile fuit, quod primus Pannonum martyr protomartyris Stephani imitorem se præbuit. Cùm enim lapidibus opprimeretur, flexis in terræ genibus contenta voce clamabat: *Domine IESV ne statuas illis hoc peccatum, quia nesciunt quid faciunt.* Hæc precatus hastæ percussu obdormiuit in Domino. XXIV. Sep. A. C. MXLII. *Ex vita &*

variis Script.



S. GERARDVS EPISC. MAR. ORD. S. BEN;
 Hic Hungarorum Apostolus, in S. stephani Regis, comitū
 animis tantam deuotionem erga B.V. MARIAM excitauit,
 ut non nisi DOMINA ab ipsis uocaretur, et perpetua
 Patrona electa sit. Martyrio coronatus est an: cxxxii. xxiv.
 Sept.

S THIEMO, qui & *Theodamarus*, & *Dietbmarus*, Monachus Altachenfis primùm, deinde Abbas S. Petri Salisburgi, tempore Schismatis inter Gregorium VII. & Henricum Casarem, secessit in Sueuiam & in Schaffhusiano primùm Cænobio, deinde in Hirsangienfi triennium egit. Ad suos reuersurus, in Admontano Styriæ delituit. Gebhardo vero Salisburgensi Archiepiscopo, ad superos euocato, ipse subiectus, à Bertholdo Schismatico captus, carceriq; mancipatus immisso in carcerem percussore, securis ictum secundo elusit, & securus permansit. Tandem custodiâ elabens, euasit in Sueuiam, ac inde Hierosolymam transmisit. Circa Corozaim autem Galilææ urbē ex aduerso Capharnai à Turcis & Saracenis captus, quas artes calleret, rogatus; se architectum, professus, iussus est simulachrum Mahumetis puerustum integrare. Arrepto ille malleo simulachrum frustratim comminuit. Iratus princeps, THIEMONEM vestibus spoliatum, iumentoq; impositum scuticâ toxicatâ cædi præcepit. Inde circumfusus carnificibus & barbaris articulatim, per digitos, manus, pedes, brachia inciditur, ac demum omnibus membris detruncatis, ad modum S. Erasmi, recluso ventre intestini caput bacillo implexum euoluitur, quoad per flexuosos orbes exhaustis ilibus ipsa sedes vitæ cor anulsum sequeretur, cum quo simul extremus pontificis spiritus est extractus.

A. C. MCI. IV. Kal. Oct. *Ex BAH.*

sanct. Raderi.



S. THIEMO. ARCHIEP. SALLSBURG. M. ORD. SEN.
Sancti Pontificis scrutatur viscera ferro
Barbarus; at CHRISTI THIEMO id amore. subit,

S WASNVLPHVVS natione Scotus, annumeratus titularibus episcopis, qui ad paganorum conversionem in Hannoniam tempore Vincentij Comitis venerunt. Hic enim de Scotiâ insulâ marinâ veniens in saltum Therasciæ, in loco qui nunc vocatur Cella, multis diebus laudabilem vitam duxit. Postea verò ductu angelico ad monasterium DEI genitricis MARIÆ, Condatum nomine, perveniens, vsq; ad obitum, Domino servivit. Inde etiam sæpius ad dictum Vincentium Comitem in Altum-montem venit. In dicto autem Condatensi cœnobio sanctus WASNVLPHVVS transcurso feliciter huius vitæ stadio, in pace quieuit, multis annis clarus miraculis.

Ex Molani Natal. SS. Belgij.



S. WASNVLPHVVS EPISC. ORD. S. BEN.

*Hic ex Episcopo monachus S. Gylserij ex quo secedens Angelico ductu ad
Monast. S. Mariae Condati peruenit; Obijt circa an. DCXL Kal. Octobr.*

SLEODEGARIVS nobilissimus Francorum, aulae Clotarii Regis assuetus, & à puero disciplinis litterarum diligenter imbutus ex Pictaviensi S. Maxentii Abbate, creatus est Episcopus Augustodensis. Clotario autem è viuis sublato, & Ebroino callidè se honoribus subducente, primas in palatio Regis Childerici facilè tenuit. Sed Ebroinus, versutus Apostata simul & Tyrannus monasterio Luxoviensi profugiens, pristinam dignitatem repetit, quâ receptâ, sanctum Episcopum, à quo se læsum putabat, plusquam Vatiniano cæpit odio persequi, captumq; crudeliter luminibus priuauit, & in canobium quoddam inclementer abdidit. Vbi biennio commoratus cum impietatem Ebroini, magnâ libertate redargueret, Tyrannus crudeliter fremens & sæuiens, eiusdem labia cum linguâ succidit, cuius tamen vsus, haud multo post in monasterio recepit. Verùm nec istâ crudelitate satiatus Ebroinus ipse vitâ indignissimus, vitâ Episcopum nefariè spoliauit, cuius cum capite truncus Pictauii, ad S. Maxentium magnificè conditus est.

Ex vita, & Melano.



S. LEODEGARIVS AVGVSTODVNENSIS
 EPISC. M. ORD. S. BENE DICTI.
 Hunc Ebroinus maior domus regia oculis euulsis.
 labijs cum lingua succisis demum capite truncare iussit.
 A.C. DCLXXXVIMI: Non. Octobris.

SPLACIDVS illustrissimâ Romanorum profapiâ satus, Tertullo patre natus, adhuc puer D. Benedicto instruendus à Patre traditus, licet plurimarum virtutum claritate, tamen obedientiæ obsequio sic micuit, vt ipse etiam Benedictus sæpenumero stuperet. In solitudine Sublacensi fontem diuinitus impetranti adfuit. Aliquando etiam ad hauriendam aquam missus, & præceps in lacum delapsus, aquarumq; vorticibus abreptus, à Mauro iussu S. Benedicti, sicco vestigio super aquas currente, seruatus est. In Siciliam missus, Monasterium & Ecclesiam in honorem S. Ioannis Baptistæ prope Messanæ portum, construxit, & triginta monachos sub eiusdem S. Benedicti cum regulâ instituisse, sanctitate & miraculis penè quotidianis claruit. Multa enim sanitarum beneficia, quouis languore constrictis, vel crucis signo, vel vi precum largitus est. Eodem quoq; tempore illuc appulit immanis quidam pirata, Manucha nomine, à quo PLACIDVS cum socijs captus, varioq; tormentorum genere confectus, ore saxis contuso, præcisaq; linguâ tamen virtutem Domini prædicare non destitit. Sed cum neq; blandimentis lactatus, neq; tormentis impulsus flecti vlllo modo posset, iubente Manucha ceruicem mucroni præbuit. V. Oct, A. C. DXXXVI. *Ex vita ap.*

Sur.



S. PLACIDVS ABBAS. ET PROTOMARTYR.
ORDINIS S. BENEDICTI.

Hic pater Tertullo nobilissimo Patricio Romano natus, septennis B. Benedicto traditur, à quo deinde missus in Siciliam, in S. Iohannis Baptistæ Monasterio prope Messanam, quod ipse fundauerat, cum triginta Monachis socijs pro Christi fide Martyr occubuit die V. Octobr: A. DCCCIX.

S COLOMANNVS, Scotus Monachus Huensis, & Abbas Amaribacensis, præfuit annis tribus Archiepiscopatu Lindisfarnensi in Anglia. Huius in vitæ temperantiam, in vestitu abiectionem, in maximis Reipub. negotiis prudentiam, multi illius seculi Ecclesiastici sunt sequuti, pauci tamen assequuti. Tandem Episcopatu relicto ad Monasterium suum rediit anno DCLXIV. Et paucò post tempore, Britannia relicta, per multas regiones Germaniæ, verbum Dei disseminauit, iterq; Hierosolymam versus instituit. In eam verò Noricorum regionem, quæ nunc Austria dicitur, cum venisset, quasi à Bohemis aut Pannoniis vicinis suis hostibus, explorator submissus esset, à furiosâ plebe comprehensus, virgis cæsus, ac iudici est præsentatus. Vbi modestiam quam animo præferebat, vultu, habituq; demonstrauit. Interrogatus itineris sui causam veraciter exposuit, aliud quicquam confiteri, quam quod res erat, compelli nunquam potuit. Quare iudicis decreto verberibus grauissimè afflictu, lapides, ouaq; ignita, candentem forcipem, ac ferram, quâ corpus eius lacerabatur, fortiter superauit. Videntes itaq; carnifices inuictam eius animi constantiam, cum suspendio necauerunt: suspensis cum eo duobus latronibus. Quorum carnes frequenti auium bestiarumq; morsu dilaniatæ, ac putredine cunctumptæ sunt; sancti viri verò corpusculum, vnguibus cum barbâ casariæque crescentibus sine corruptione permanens re floruit: sed & torta in quâ integro anno cum dimidio pendebat fronduit. Sed & venabulo transfixus, & rescissis ex corpore carnibus, calidus semper sanguis defluxit. Tandem honorificè sepultus, innumeris claruit miraculis. Rursumq; eleuatum eius incorruptum corpus Medelicum translatum est, A. C. M XV. Ex

Martyrol. Mon. & Bren. Melicensi.



S. COLOMANNVS. EPISC. MAR. ORD. S. BEN.
 Hic Lindisfarnensi Episcopatu relicto in Germaniam
 Euangelij prædicandi causa secedens plurimos ad
 Christi fidem conuersit, in Austria iugulatus,
 Melici quiescit. III. Id. Oct. A.C. DCLXX. circiter.

SIMPERTVS Amberto Duce & Symphoriana Pipini Regis filiâ natus, le-
 .tissimos quamvis parentes virtutis laude superavit. Puer in Murbacense
 cœnobium erudiendus, datus, pietatem & litteras gnauiter coluit, quâ refa-
 ctum, vt Abbate defuncto, consentientibus fratrum votis sublegeretur. Cùm
 verò Carolus Magnus Augustam superiorum temporum iniuriâ, Boicis præ-
 fertim bellis, magnopere vexatam & afflictam, instaurandam, ciues recreandos
 ornandosq; suscepisset, quod ecclesiæ sedes iam diu vacaret, SIMPERTVM illi,
 quem angelicam vitam inter homines ducere creberrima signa testarentur,
 approbante summo Pontifice, dedit Episcopum. Quo ille munere per omnia
 egregiè functus, spem de se conceptam abundè impleuit. S. Afræ basilicam ad
 ipsam urbem, flammis absumptam, & in alpium faucibus S. Magni monaste-
 rium disiectum restituit. Diæcesim Leonis III. Pont. & Caroli Imp. auctorita-
 te vltra Lycum, eius enim tum alueo finiebatur, longè in Boicam extendit. Or-
 dinationis anno trigésimo IV. Id. Octobr. spiritum Deo reddidit, cui quam
 charus vixerit, multa post obitum quoq; ostendêre miracula. Vnum inter
 cetera, rapuerat puerulum lupus, mater dolore exanimata, SIMPERTVM apud
 Deum intercessorem in clamat, & ecce post horas iam aliquot, fera infantem il-
 læsum refert, ipsa in nemorum latebras, tanquam magni sibi facinoris conscia,
 trepida refugit. Posteritas rem memoriæ commendauit, addito præsu-
 lisim agini lup o puerum ore ferente. *Ex*
SS. Aug.



S. SIMPERTVS EPISC. AVGVST.

ORD. S. BENED.

*Redde suum dulci pignus fera saeva parenti,
SIMPERTVS tuoci hoc: en lupa paret oui.*

S WOLFGANGVS nobili Sueuorum sanguine natus, in Augiensī monasterio litteris apprimè imbutus, ac deinde Henricum coetaneum suum Treuirensē Archiepiscopum Treuirim abeuntem secutus, & clariores honorum titulos aspernatus, ibidem Scholis magnā cum laude, & suā voluptate præfuit. Henrico autem vitā functo, inde profugiens, in Hercyniā Syluā, monachum professus est. Vbi aliquandiu commoratus, & in Noricum disseminandæ fidei causā profectus, inuitus Episcopale fastigium Ratisbonæ conscendit. Tandem compluribus extractis cænobiis, egenis etiam, quos ille Dominos & fratres suos vocitabat humillimè deseruiens, & munere suo sanctissimè perfunctus, iam cælo maturus, positā corporis sarcinā, leuior ad cælites euolauit pridie Kal. Nou. A.C.DCCCCXCIV. *Ex vita apud Sur.* Is aliquando popularem auram fugiens, ad Falconem montem iuxta lacum Abernum, ex durā silice largos vndarum fontes ictu pedi eduxit, & iactu securis, quā impacta erat rupi, ædiculam constituit, quæ hodieq; ob ingentia miracula summā religionē, magnāq; peregrinorum frequentiam celebratur.



S. WOLF GANGVS EPISCOPVS ORD: S: BEN.
 WOLF GANGI precibus miracula mille patrata
 Sunt olim, plusquam mille patrantur adhuc.

S P I R M I N I V S, liberalibus artibus eruditus, primum Monachus in canobio S. D. Mauri: deinde ad Episcopatum Meldensem euectus, mox prædicationis & efficaciam & suauitatem singularem omnes longè lateq; ad se populos attraxit. Post hæc à Sintlace rogatus, ut fidei pastorem negligentiam iam labanti in Alemanniâ succurreret, ut primum Insulam Rheno lacoque Veneto ambitam, eò usq; vermibus venenatis ac serpentibus infestam attigit, ita omnes venenatos vermes inde exire cœgit, ut tribus diebus, tribusq; noctibus, quâ parte enatabant, aqua vermibus coopertavideretur. Ibi Monasterio constructo Fratribus aliquandiu Abbas præfuit. Post Augiâ pulsus, Alsatiâ petiit, in quâ & aliis regionibus plurima fecit construi Monasteria; videlicet Altach superius & inferius; Amersbach, Morbach, Fauarias, Gengenbach, Morsmünster, Schwarzach & Neuwiler, nec non & Schuteram. Quin & S. Mauritii in Dolegiâ reformauit. Tandem Monasterio Hornbach constructo ab actione se retrahens, contemplationi totum se mancipauit: nec multò post ibidem III. Nouemb. diem suum obiit, miraculis clarus. Vim certè aduersum venena cibo aut potioni noxia alexicacam, vniuersè maiores S. P I R M I N I O tribuerunt; creditumque nil noxium contrahi, vbi sumendum victum sic benedixerant.

Sanctificet nostram sanctus P I R M I N I V S escam.

Dextera P I R M I N I I benedicat pocula nostra.

Ex Bau, S. & Broueri siderib.



S. PIRMINIVS. EPS. ORD. S. BEN.
 PIRMINIVS BOYS. Alemannis, Als atiaque!
 Bissen a edificat Claustura sacra deo,

S WILLIBRORDVS, natione Anglo saxo, cum *S. Suiberto* & aliis decem sociis, Euangelii prædicandi causa ex Britannia in Frisiam anno DCXC. traiecit, & Vltraiectum venit. In ead Pipinum Heristallium se conferunt, vt prædicandi facultatem impetrent. An. DCXCII. S. Lambertus Traiectensis Episcopus, è Taxandria agri Brabantini parte, quam tunc excolebat, sæpius Willibrordum visitat, & cum eo de propagandâ fide confert. WILLIBRORDVS Romam profectus, à S. Sergio Papâ Frisonum Archiepiscopus anno DCXCVI. consecratur, in die & basilicâ S. Cæcilie. Româ in Frisiam reuersus, sedem Episcopalem Vltraiecti ad Rhenum anno DCXC. VII. statuit. Vbi multos in breui suâ prædicatione ab idololatriâ ad fidem conuertit. Vlissingensibus lagenam suam pro insigniis reliquit. Porro dictus Frisia, Hollandia, & Zelandia Apostolus, etiam in Lotharingâ multos conuertit. Rursum fidem prædicauit in Flandriâ, vbi Birsitani, Hulstenses, Axellani, & Harnenses, ab eo ad fidem conuersi. Ecclesias & cænobia plurima construxit. Obiit VII. Nou. A.C.

DCCXXXVI. Sepultus in Epternaco monasterio à seconstructo, *Ex Mel. & Aut. Myr. fastis.*



*Acceptam referunt BELGÆ. FRISIÎQ. salutem
CLEMENTI, dictus qui WILIBRORDVS erat.*

DM.

S BENEDICTVS, MATTHÆVS, IOANNES, ISAAC, CHRISTIANVS, BARNABAS Monachi Breunouienſes, vti vitæ ſanctitate celebres, ita tamen celebritate hominum minimè gaudentes, deſiderio ſolitudinis ex Bohemiâ in Poloniam ſecedunt. extructoq; tuguriolo ex lignis coagmentatum ſacellum ſibi conſtituunt, ibi duriffimam agentes vitam, ſoliq; Deo vacantes. Quare Meſchonem Poloniæ Principem inuaſit cupido videndi & alloquendi viros ex rumore ſibi laudatos. Vbi ad latebras eorum peruenit, & Sacellum, in quo ſacros pſallebant hymnos, introiit, aſſuſâ ſubito oculis & animo ſuo religione, perinde eſt permotus atq; ſi introiſſet penetrale numinum, non hominum. Deniq; illos velut præſentia numina veneratus eſt, tractauitq; liberaliter pecunia oblatâ, quam etiam illis inuitis abiens reliquit, præſidium futuræ inopiæ, quam ſummam adeſſe cernebat. Sed enim illi, qui non adumbratam, ſed ſolidam colebant paupertatem, accerſiſſo BARNABA, quem panis & oleris diſpenſationi præſecerant, tollere exitialem pecuniam, & ad Meſchonem continuo referre iubent. Abeunte BARNABA ſuperueniunt latrunculi, quidam, & in tugurium nocte irrumpunt, quaſitâq; inibi, & non inuentâ Principis pecuniâ, iram & furorem in cædem inſontium virorum conuertunt: occiſi ad vnum omnes ac ſolùm BARNABAS per abſentiam incolumis eſt ſeruatus; qui nihilo minus ſui ſimilis permanens, vitam, quam caput colere, puram inculpatamq; ad fatalem uſq; diem ſeruare non deſiit, & ipſe quoq; in tumbâ Gneſnæ, in quam ante ſe interfecti ſodales elati ſunt, conditus eſt. Cæſi ſunt pij

Chriſti cultores circiter anno MX. prid. Id Nou.

Ex Dubran. hiſt. lib. 6.



S. S. BENEDICTVS ET IOANNES MATHÆVS.
 ISAAC CHRISTINVS MARTYRES ET BARNABAS
 CONFESSOR ORD. S. BENEDICTI IN BOLOGNIA.

SÆMILIANVS honestis parentibus, natus Vergegii, cum vigesimum annum attigisset, ad quendam Eremitam sanctissimum Felicem nomine adiit, ut ab ipso spiritualis vitæ documentis instrueretur. Id consecutus, postea per quadraginta circiter annos, nullo hominum consortio est usus, solum fruens consolationibus Angelorum, & frequentes Dæmonum insidias perpetuens. Tandem vitam monasticam cum aliis pluribus sub Regulâ S. P. N. Benedicti professus est; curamq; gerens abbatialem, clarus omnigenis miraculis, & prophetiæ spiritu, obiit in Domino, suæ mortis ante annum præsciens, ætatis autem centesimo, Christi verò DLXXIV. Antonio & Martino vitâ atq; miraculis per omnia similis. Post eius mortem, quia non semel visus est in Hispaniæ defensionem magnis prodigiis de cælo descendere, & cum Mauris pugnare, ex illisq; vnâ solâ vice maculare octuaginta millia: ideò cognomen PATRONI HISPANIÆ

simul cum Apostolo Iacobo maiori meritissimè adeptus est; ipsamet
ex tunc cum annuæ oblationis voto se gratam ostē-
dente. *Ex Hispan. Script.*



S. AMILIANVS ABBAS ORD. S. BEN.
 AMILIANVS ouans Patronus habetur IBERIS,
 Quod MAVROS hostes tradidit ipse neci.

S GREGORIUS ex Monacho Turonensi, eiusdem vrbis Episcopus patrē Florentio, matre Armentaria genere nobilibus procreatus est. Ipse verò literarum studiis addictus, primitus sub Gallo Episcopo, mirificè profecit: postmodum verò sub Auito viro Dei, ad arcem sapientiæ prouectus est. Factus autem Turonensis Ecclesiæ post B. Euphronium Episcopus, tam doctrinâ, quàm conuersatione clarus atq; sanctissimus emicuit, qui etiam in vitâ miraculis coruscavit. Fuit homo parvæ staturæ, sed magnæ scientiæ, excelsiq; meriti apud DEVM, qui non respicit personam hominis, sed opus & bonam voluntatem. Erat enim in ieiuniis frequens, in orationibus assiduus, & eleemosynis largus, hospitalitatis amator præcipuus, & sanctæ Scripturæ lector studiosus. Vnde libros multos in laudem Sanctorum præcipuè, & historiam gentis suæ luculento sermone conscripsit. Ecclesias complures construxit, alias item reparavit, & exornavit.

Tandem XXI. Episcopatus sui anno, tanquam septenario annorum numero ter in fide S. Trinitatis completo, appositus est ad patres suos, non tam dierum, quia fermè tricennalis ordinatus est, quam virtutum perfectione plenus: qui tamen non vsquequaq; videtur clausus in tumulto, scilicet restat vt linguâ viuat in mundo: & quia sicut credimus, B. Martino in cælo est sociatus, sic etiam corpore est illi in sepulchro vicinus. Obiit XV. Kal. Dec.

A. C. DCXCIV. *Ex vita.*




S. GREGORIUS TVRONENSIS EPISCOPVS. ORD. S. BEN.
 Qui fidem de SS. TRINITATE. contra Arianum
 Lauigildi Hisp. Regis ad Chilpericum Gallorum Regem
 Legation egregie defendit, et Ecclesiam Dni universam
 scriptis libris illustravit, atq. doctrina et sanctitate clarus
 migravit ad Dominum, XV. Cal. Dec. A.C. DXCV.

SODDO, Abbonis nobilis Franci filius adhuc adolescens Ecclesiæ Turonensis Canonicus cū esset, illud Apostoli apud se repetens: *Si quis ignorat, ignorabitur*, literarum scientiam viro Ecclesiastico dignam cum pietate coniunxit. Virgilium pœtam aliquando dum parat legere, somno oppressus vidit quasi vas insigne, sed serpentibus plenum sibi sitienti offerri: quo visu perterritus in posterum sacris literis se totum dedit. Deinde suis in pauperes distributis in solitudinem secessit, vbi per triennium, diem in lectione sacrâ, noctem ferè in oratione posuit. Victus illi quotidianus, panis semi libra cum fabis paucis: lectus storea humi strata: quâ sensuum incuriâ & nuditate spontaneâ locuples muneribus vndiq; oblati abstinuit. Postea in Monasterio Gigniensi S. Bernone Abbate vitam Monasticam seriò egit. Inuitus, & præ humilitate Sacerdotio initiari, ac deinceps Abbas esse cogitur. Sollicitudini, puritati, devotioni suorum in DEI Laudibus nocturnis diurnisq; orationi, & silentio præcipuè cavit, ita vt verborum vice signis necessaria loquerentur. Interim sibi parcus, omnia quæ Monachis Regula permittit abundè suppeditabat. His accessit apparitio crebra SS. MARTINI Turonensis, & P. N. BENEDICTI, è quorum exemplo & patrocinio vnicè pendebat, qui ODDONEM, & illi obsequentes fauoribus, negligentes vindicta cælitùs prosequabantur. Deniq; in principum dissidijs componendis, Ecclesijs pacem restituendis, Monasteriis reformandis cū consenuisset, Romæ ex febris moribundus, mortis inducias impetrauit, donec Turonès reuersus, S. Martini solennitatem celebrâset: tunc febris redeunte sanctis Ecclesiæ sacramentis munitus inter suas Fratrumq; preces

animam Deo reddidit XIV. Cal. Dec. circiter A. C.

CMXL. *Ex vita prolixiore ap. Sur.*





S. ODO ABBAS CLYNIACENSIS.
*Canobia odo Abbas. vnus bis mille reformat;
 Præscribens sacris arcta statuta vniis.*

SCOLVMBANVS in Hyberniâ, regione Lagenorum, ex nobilibus parentibus procreatus fuit. Eum mater vtero adhuc cùm gereret, velut solem procedere, nimioq; fulgore vniuersum orbem implere, per somnium vidit. In literis ita profecit, vt intra ipsos adolescentiæ annos in Psalmodum librum doctissimos commentarios, pluraq; alia ederet. In Benchorensi cænobio à B. Commogello Abbate in monachum attonsus, cùm & Euangelii Dei, & salutis animarum zelo apprimè arderet, obtenta demùm ab Abbate licentiâ, XII. ex eodem collegio socios accepit, & in Britanniam, mox etiam in Galliam traiecit. Vbi cùm annis multis gentilium conuersioni fructuosè admodum incumbere, Monasteria diuersa erexit; atq; inprimis Luxouium, deinde Fontanas. Ipse corticibus arborum, & herbis in saltu nasci solitis, crebriùs vefcebat. Miraculorum donum ita habuit, vt quotidianis propemodùm fulgeret. E petrâ enim aquam, Moysis instar produxit. Escas cælitus non semel habuit. Absentia velut præsens cognouit. Languentium fratrum multitudinem per obedientiæ exercitium mirabiliter curauit. Discipuli digitorum præscissum saluâ adglutinauit. Moribundi animam, modò admirabili corpore ne exiret, quoad voluit, detinuit. Sed impium Theodorici Burgundiæ regis concubinatum redarguere cùm non cessaret, Brunechildis, & aulicorum factionibus è monasterio Luxouienti, totoq; regno proscriptus fuit. Nec multò post Bobiense Cænobium in Apennino saltu cùm fundâisset, innumeris propemodùm miraculis clarus, animam exhalauit XXI. Nou. A. C DCXV.

vel XXII. *Ex eius vita apud Sur.*



S. COLVMBANVS ABBAS ORD. S. BEN.
*Iste COLVMBANVS Scotiis direptus ab oris.
 Tot legitur rarijs claustra loca te locis.*

SELIGIVS genere Lemouix, Catalaci Eucherio ac Terrigiâ parentibus natus, artem aurifabrorum didicit, in quâ ad eò excelluit, vt à Clotario II. in aulam adscitus fuerit, apud quem eiusq; filium Dagobertum, & Clodouem nepotem, ob vitæ morumq; sanctitatem gratissimus exstitit. Mortuo Aichario in Episcopum Nouiomensensem ac Tornacensem anno DCXLVI electus est. Hunc Flandri & Antuerpienses iure optimo, vt Apostolum suum, præcipuo honore venerantur. Contraci, Aldeburgi, Rodeburgi, Oistburgi, Brugis, & alibi aras ac templa Deo consecrauit. Feretra seu capsas Sanctorum auro & gemmis exornauit, ac demum anno Domini DCLX. decessit, Nouiomi in cathedrali basilicâ conditus; vbi in hunc vsq; diem miraculis cocuscat. Pars reliquiarum eius postea Brugas ad templum S. Saluatoris est translata. *Ex Fast. Belg Myrai.*



S. ELIGIVS EPISC. NOVIOM. ORD. S. BEN.
 Hic multa Sanctorum auro argenteoque fabricavit sepulchra.
 Fana, & idola subruit: & erroneos Suevos convertit.
 Obijt multis miraculis clarus. I. Decemb. DCLXV.

SOLA natione Britannicus in auxilium S Bonifacio submissus, eius discipulus in instituto monastico fuit, atq; ab eodem presbyter ordinatus, miro virtutum splendore clarus enituit. Locum incoluit, cellam vel curiam SOLO-
NIS dictum, quem à Carolo Magno possidendum accepit. Quin & accolæ regionum illarum vndecunq; aduentantès, prædiorum suorum partes tradidè-
re. Quæ omnia sibi oblata cænobio Fuldensi subiecit. Cæcum natum S. Crucis signaculo illuminauit. Claudum diuinâ virtute erexit. Surdum & mu-
tum oratione curauit. Aliquando a fello insidens iter agebat, quem lupus deli-
tescens terrebat. Ille desiliens, Signo S. Crucis munitus, iubet asinum irruere in lupum: atq; ex præcepto eius præualuit asinus, necatus est lupus. His aliisq; virtutum insignibus quotidie clarescens, laboribusq; vitæ solitariæ totus exhaustus ad sempiterna præmia lætus euolauit, III. Non. Decembr. circa annum Dom. DCCLX. Multis post annis Altinus V. Eystettensis Episcopus obtinuit apud Gregorium IV. Pont. Max. vt S. Sola de tumulo leuatus, Diuorum numero adscriberetur. *Ex vita per Ermenoldum scriptâ.*



S IVDocus, Iudicaëlis I. huius nominis Britanniae Armoricae, in Gallia Regis filius, amore regis æterni, temporale regnum à fratre Iudicaële, qui successerat, oblatum, spreuit, sed verens, ne quod vltro offerebatur, vel inuitus suscipere aliquando cogeretur, ad monasterium S. Maini, in quo à iuuentute enutritus fuerat, se recipiens, non longè post inde profugit, atq; ad ripam Alzei fluminis, in agro Pontino, constructo paruo tugurio, vnico discipulo contentus, monasticam vitam, eamq; durissimam egit: & pro terreno & caduco regno quod contempsit, cæleste & æternum accepit quod concupierat, A. C. DCLIII. ipsis Idib. Dec. Cuius corpus virgineum, omnisq; carnalis commixtionis contagione immune, ita saluum ac integrum permanfit in tumulto, ad sexaginta ferè annos, ac si spiritus vitæ foret in eo.

Ex eius vita.



S. IVDOCVS REGIS BRITAN. FILIVS,
ORD. S. BEN.

Temporale regnum spernit, monachus factus admiranda sancti-
tate uixit; obiit XIII. Decemb. Anno DCIII. Eius corpus virgi-
nem ita permansit integrum in tumulo, ac si uiuere.

S ADELHEIDIS, filia Rodolphi bellicosi Burgundionum Regis, & Berthæ Sueuorum Ducis filia, sanctitate vitæ cum primis celebris, defuncto marito Lothario Hugonis filio, ditione Papiensi, tanquam patrimonio suo vtens, à Berengario tyranno, qui solus regno præesse, & illius nomen obscurare, aut extinguere conabatur, timebatq; ne eam ditionem vna cum regno pro dote in alium transferret, in custodiam coniecta, ac variis iniuriis affecta & vexata est. Ex quâ diuinitus educta, aliisq; grauib; periculis liberata, Othoni Magno Germanorum Regi, qui capto tandem Berengario, potitus regno Italia, Imperator factus est, matrimonio iungitur.

Imperatore marito longè post mortuo, piis exercitiis, perpetuò vacabat: Cum filio autem Othone vsq; adeò feliciter regnauit, vt *Augustarum omnium augustissima* dici mereretur. In diuersis orbis partibus plura Canonicorum, Monachorum, & Monialium cænobia exstruxit, dotauit, ac Ecclesiam Cathedralē Augustanam restaurauit. Etsi porrò omni virtutum genere ornata, ab omnibus suspiceretur; præcipuè tamen nomine liberalitatis ergà pauperes commendabatur. Cum quodam die pauperum ad eam confluentium multitudo, numerum nūmorum quos secum habebat, longè excederet, miraculose aucti illi sunt in manu eius, vt singulis posset elargiri.

Obiit demum A. C. M. die XVI. Dec. miraculis clara, claudi enim eius intercessione sospitatem impetrarunt: Cæco item cuidam, ad eius sepulchrum dormienti apparens, visum promisit, si principi eius loci prædiceret grauē Dei vindictam in se suosq; nisi bona Ecclesiastica cuidam monasterio iniquè detenta, restitueret sine morâ: quâ legatione perfunctus ille visum recepit. Ad eius sepulchrum ad insaniam redacti, aliisq; grauissimis morbis corrupti, & à

dæmoniis obsessi, ipsius meritis sanitati restituti sunt ac liberati. *Ex vita & Prop. August.*



S. ADELHEIDIS IMPERATRIX VIDVA ORD. S. BENED.
 Rodolphi Burgundi filia, Lotharii Italiae, & Othonis M.
 Germaniae R. post Imp. coniux, donum in Mon: Selsa obiit.
 Ad cuius sepulchrum gravissimis correpti morbis sanati sunt.
 Ob. XVI. Dec. anno D. millesimo.

S. WVNIBALDVS, natus e regiâ stirpe patre Richardo matre Vunnâ, decennis Monasteriũ ingressus mirificè in virtutũ studio profecit. Inde cum patre & fratre peregrinationem suscipiens, Lucæ Italiæ vrbe, patrem amisit. Inde cum fratre Willibaldo Romam digressus, ibidem ab eo Hierosymam proficiscente æger relictus est. Post septennii tempus in patriam rediens, multos ad mundi contemptum & virtutis semitam traduxit, indeq; Romam reuisens, à Gregorio III P. M. S. Bonifacio adiutor in Germanis rectâ fide imbûendis est adiunctus. A quo Presbyter ordinatus, & septem ecclesiis in Thuringiâ est præfectus. Non parùm gratiâ valuit apud Vtilonem Boiorum Ducem, à quo latis possessionibus ditatus, aliisq; donis largiter est adiutus. Inde in Heidenheim, duo Monasteria construxit, vnum, in quo ipse cum discipulis monasticam vitam sequeretur; alterum in quo S. Walpurga soror cum sacris Virginibus excreceretur. Tandem multis clarus virtutibus abiit in cælum XV.

Kal. Ian. A. C. DCCLXXVI. *Ex vitâ
prolixiori.*

S. WV NIBALDVS
ABBAS.



Simile illū fecit gloriæ sc̄torū

S IOSCIO Roseus ad S. Bertinum in vrbe Audomarenſi monachus. **DE**
PARÆ Virgini ſingulariter addictus. Eius rei fidem facit breue quidem, at
 pium, quotidianum, & myſticum erga Dominam & patronam modeſti clien-
 tis officium: Id fuit quinq; Pſalmorum lectio, eorum nempe quorum initiales
 litteræ **MARIÆ** nomen exprimunt: quos poſt matutinas preces, eius in hono-
 rem, ſingulis ſingulas Angelicas præmittens ſalutationes, omni die ſolitus eſt
 recitare. Ieroſolymitanorum tunc mos is erat Chriſtianorum, quem Theo-
 baldo Cantuarienſi Epifcopo, inde reuerſo, hic didicerat. Hanc Ioscionis
 pietatem in **DEIPARAM**, quid mirandum, eo vita functo, ſecutum eſt. Enim-
 verò ex demortui capite, quinq; purpureæ, eaq; lectiſſimæ, roſæ mox proces-
 ſerunt: in quarum prima **MARIÆ** nomen manifeſtè ac mirabiliter effectum ap-
 paruit. Vna ex ore, duæ ex oculis, toti dem ex auribus prodibant. Septem die-
 rum ſpatio in humatum iacuit beati viri corpus, pio omnibus ſpectaculo, ma-
 gna fidelium, rem ſupra naturæ ordinem admirantium, religione. Andreas
 Atrebatium Præſul, oculatus inter alios huius miraculi teſtis, beatum Ioscio-
 NEM terræ mandavit. Iacet autem ſepultus in choro S. Bertini ſub arâ minore:
 iuxta quam, poſt chorum, candido ſculptus in lapide, dictis cum roſis vi-
 ſitur. Multis poſt mortem ſignis claruit. Ob. XXX. Nou.

A.C.MCLXIII. *Ex Faſtis Belg. Myrai.*



S. IOSCIOROSEVS ORD. S. BEN.
*Fhic Scep Virginē deuotus, quotidie V Psalms, quo-
 rū initiales literæ nomē MARIA exprimit, recitabat. Exeio
 mortuū capite quinq; roste pce seruit nomē MARIA continet et Obijt
 xxx. An. A. C. MCLXII.*

170. 101 170 01 3 170
S. M. AVRELIUS CASSIODORUS, nobilissimâ sui temporis familiâ ortus, vir eruditissimus, primùm Comitum rerum priuatarum, inde sacrarum largitionum est insignitus: insuper Præfecturis Prouinciarum Siciliæ vtriusq; Brutiorum, atq; Lucaniæ potitus, Patriciatus postea sublimè suggestum conscendit, Palatinæ item quæsturæ munere functus, creuit in Magistrum officiorum, auctusq; etiam sublimitate Præfecturæ Prætorii, ac deniq; summi honoris verticem, A. C. DXIV. atq; Consulatū: Tandem verò seculo nuncium remisit, atq; monasterii captauit quietem: cùm iam degustans spiritalis vitæ dulcedinem, cratere potitus sapientiæ, hoc ore promebat, styloq; pingebat, quo erat plenus interius: nam in fine libri de Anima: *Tibi deniq; Domino, inquit, nobilius est seruire, quàm mundi regna capeffere; quando ex seruis filij, ex impijs iusti, de captiuis reddimur absoluti, &c.*

Igitur se contulit in Monasterium à se constructum, *Vinariense*, siue *Castellense* dictum: quod ita instituit, vt nihil Deo seruientibus ex iis deesset, quæ Christiano philosophanti ad rerum diuinarum contemplationem conducerent. Sed quod omnibus præstat, egregiam ibidem Bibliothecam constituit, Græcis, Latinisq; libris tam profanorum, quam Ecclesiasticorum auctorum, longè instructissimam, & scholam sacrarum litterarum. Omnia eius opera, & quo fermè ordine eius libri fuere conscripti, accuratè Card. Baronius collegit, & ex eo Antonius Possevinus.

In suo monasterio tandem sancto fine quieuit, nonaginta quinq; annos natus, A. C. D. LXXV. teste Petro Opomero in Chronogr.

Ex Baron. & Possevin:



S. MAGNVS AVRELIVS CASSIODORVS

ORDIN. S. BENED.

*D.C. Senatus per Philonotamiam dictus. Cum ex quaestor Sacri Palatii,
Magister Officiorum, atq. praefectus fuisset prae-torii, exstructo apud Ravennam
Monasterio Duarum se ibi monachum esse postmodum Alboas fuit factus. tandem
sanctitate clarus atq. XCV. annos natu vita excessisse traditur. A.C. DCCXV.*

B AMALARIVS FORTVNATVS, primo tempore vsus est Præceptore Albino Flacco Alcuino Abbate Monasterii S. Martini Turonensis. Monasticas verò disciplinas didicit in Luxouienſi Burgundiæ Monasterio. Cùm ergò in diuinis & humanis literis eruditissimus euasisset, eum Leo III. Papa S. R. E. Cardinalem annisq̃ue postmodùm quatuor exactis, Treuerensium Sedi Archipræfulem, ac Galliæ Belgicæ Primatem donauit; A. C. DCCCIV. Nouem post annis à Carolo Magno Constantinopolim Legatus mittitur, ad pacem confirmandam. Librum verò suum de Officiis Ecclesiasticis scripsit, & Ludouico Imp. obtulit anno DCCCXXVII. Post anno DCCCXXXI. ab eodem ad Gregorium IV. Legatus missus est, vt Antiphonarii scriberet ordinem. Hic etiam piissimus Pater *Mortuorum Officium* collegit, ordinauit, instituit. Tres insuper Quadragesimas obseruabat, id est, ante Pascha, circa festiuitatem S. Ioannis, & ante Natiuitatem Domini. Adhæc beatissimam DEIPARAM Virginem, aliosq̃; Regni cælestis ciues, vt ex ipsiusmet scriptis apparet, potentissimo amoris affectu proſequabatur.

Adhuc mortali corpore circumdatus, mente ac spiritu ad cælestia anhelabat. Christo frui exoptabat, Sanctorum iungi cætibus appetebat. cælestis patriæ amore flagrabat: ad quam tandem peruenit, non longè à salutis an-

no DCCCXXXIII. *Ex ea qua est per R. D.*

Constant. Caiet.



B. AMALARIVS FORTVNATVS S. R. E. CARD.
ARCHIEP. TREVER. ORD. S. BEN.

*Defunctorum animas AMALARIVS. igne piandas.
Exfolii cupiens, vota precesq; dedit.*

SEBBA, Ethelfridi Northumbriæ Regis filia. Collinghanmensis cænobii abbatissa, metuens ne & ipsa, cui sollicitudo regiminis & cura pastoralis commissa fuerat, cum sibi subiectis virginibus ludibrio traderetur paganorum, ut pudicitiam amitteret virginealem, conuocatis sororibus in capitulum vniuersis, in hanc vocem prorupit dicens : *Aduenerunt nuper (inquit) ad partes nostras pagani nequissimi, & totius humanitatis ignari, qui loca regionis huius singula perlustrantes, nec sexui muliebri nec paruulorum quidem parcentes atati. Ecclesias & personas Ecclesiasticas destruunt, feminas sanctimoniales prostituunt, & obuia sibi quaque conterendo consumunt. Itaq; si consiliis meis acquiescere decreueritis, spem certam de clementiâ diuinâ concipio, quod & barbarorum rabiem effugere valebimus, & perpetuæ virginitatis pudicitiam custodire.* Cunctis annuentibus, illa admirandæ animositatis abbatissa, arreptâ nouaculâ nasum proprium cum labro superiori ad dentes vsq; præciciens, horrendum sese spectaculum præbuit vniuersis. Quod factum memorabile cæteræ sunt securæ. Manè igitur superuenientes tyranni ac conspicientes abbatissam & sorores tam enormiter mutilatas, & in suo sanguine, à plantâ pedis, vsq; ad verticē tabefactas, cū festinatione cedentes, præceperunt satellitibus suis, ut iniecto igne, monasterium cum ipsis sanctimonialibus concremarent. Sicq; S. Abbatissa, & omnes virgines sanctissimæ ad martyrij gloriam peruenerunt. *Ex V. Bed. hist. Angl. l. 4. c. 19. & Matth. V. Westmon. adan. 870.*



S. EBBA ABBATISSA ORD. S. BEN.
 Hæc Angla et regis sanguinis, ne in Danorum infidelium
 libidinem incurreret, nasum et superius labrum sibi præ-
 scidit, cuius exemplum moniales sequuta, simul mon: inebise
 igne sunt absumptæ. circa an. DCCCLXX.

BERCHTOLDVS, primùm armarii & claustralis Prioris officio functus est in S. Blasii Monasterio, deinde itidem Prior Kotzwicensis fuit, indeq; e-uocatus, primus Abbas Garstenis constitutus est Cænobii, nouiter fundati ab Otacharo Marchione Stirensi, qui & ibidem mutato seculari habitu Monachus est effectus. Disciplinæ regularis custos strictissimus existens, ad exemplum magni illius BENEDICTI, labrum æneum plenum denariis, & XXX. panes, contra suum iussum pauperibus denegatos iussit in flumen Anasum præcipitari Meritis ipsius & benedictione paucitas piscium seu vini aliquândo ita creuit, vt omnibus præter spem, sufficeret. Aliàs etiam multis conuiuantibus pisces diuisit, & tamen in nullo minui plenitudo visa est. Torrentem Garsten alueum suum egressum, claustriq; officinas inundantem, oratione cohibuit. Aliquoties cùm pisces deessent, fiducia de Domino conceptâ miraculosè acquisiuit. In curandis energumenis mirâ virtute pollebat; charitatis visceribus totus diffuebat; prophetiæ etiam dono præditus. Infirmatus aliquando, sibi aquam deferri iussit, quam bibens, in vinum conuersam reperit. Rursum ergò pro aquâ mittens, iterum vinum esse sensit; vnde resolutus in lachrymas: Quid, inquit, *Saluator agis? Nonne peccator sum indignus, propter quem signa facias?* quod etiam alias non semel euenisse plurimi testati sunt. Iam verò de hoc seculo migraturus conuocatis fratribus, sic est eos allocutus: *Tempus, inquit, aduenit hinc transeundi, nec ultra differri valet diu exoptatum, vix expectatum. Sed scitote, quia vos nunquam deseram, & huic loco fidelis in perpetuum, deuotusq; cooperator existam. Corporali quidem diuisione separandi sumus; sed spiritu, semper vobiscum ero. Dico tamen, quod post discessum meum locus iste minimè carebit aduersis, & semet ipso minor & inferior multum retrocessisse videbitur; sed tamen; per gratiam Dei, citò resurget, & melioris status resumet dignitatem. Tandem migraturus Litānias ipse incepit, & donec efflaret spiritum cum aliis decantauit. Eius funus cùm portaretur ad Ecclesiam, stupendo miraculo, fere-trum virtute diuina subleuatum, nequaquam portitorum humeros tangebatur.*

Obiit beatus vir XXVII. Iulii A. C. MCXC. Regiminis XXX. post mortem innumeris clarus miraculis. *Ex vita typis impressa Ingolstadii.*



B. BERTHOLDVS ABBAS ORD. S. BEN.
 Primus Garstensis Monasterij in superiori Austria Abbas,
 omnigenis uirauibus illustris, inter Litaniarum cantum
 XXVII. Julij A. c. MCXL. excoecit euita. Eius sacrum corpus
 Argelicens ad tumulum deportatum, manibus innumeris claret
 miraculis.

AD PERILLVSTREM
ET REVERENDISSIMVM DOMINVM
D. CONSTANTINVM CAIETANVM S. D. N. A SA-
cris literarum monimentis, & Abbatem Præsidentem Col-
legii Gregoriani Domus S. BENE-
DICTI.


A P O S T R O P H E.



N CONSTANTINE CAIETANE Sanctorum Ordinis nostri (qui non solum antiquitate sed & Sanctorum numero, & dignitate ceteros antecellit) imagines æreis tabellis expressas, non omnium quidem (quis enim posset, etiam si maximè vellet) sed magis celebrium, Tuo præcipuè hortatu & auctoritate prodeuntes, inter quos Nominis Tui rationem non habere, nefas putavi. Et si enim è ferrugine splendorem petere; id est, ex pertenui hoc scriptiois genere, accessionem amplissimæ dignitati Tuæ fieri, haud posse mihi facile persuadebam: quia tamen complurium SS. Vitæ Tuo studio illustrata sunt, sic à Te vel postliminii iure vindicari, par est.

Quid ni enim Te inter Benedictina sidera connumerare decet, qui non solum posthabitis illustrissimæ Familiæ Caietanæ natalibus, DEO sub S. BENEDICTI P. N. signis militare elegisti, sed ubi eruditionis nomine in ipsum Palatium Apostolicum vocatus, sub V. SS. PP. ultra viginti annos doctrinæ ac innocentiae faniâ, totque scriptis insignibus libris uniuersum Christianum orbem repleuisses, & magnum Ordini nostro nomen peperisses; his non contentus, reipsâ posteritatem etiam iuuare voluisti. Hinc Collegii Gregoriani Domus S. BENEDICTI foundationem meditari capisti, atque præter insignem Bibliothecam, omnem supellectilem, & alia quæ industriâ Tuâ acquirere potuisti, illuc transportare intendisti, peramplo cum basilicâ Monachis constituto domicilio, addito præstantium ingeniorum laude, & doctrinarum vsu florentissimo Gymnasio, rarissimis pietatis exemplis. Vnde, ni pudor mihi modum statueret, & religiosa Tua modestia, officij admoneret, ex Te ipso possum complura laudis argumenta contexere, & in latissimum inde campum prædica-

HÆC CAIETANÆ SVNT CLARA 179
INSIGNIA GENTIS.



prædicationis virtutum Tuarum, excurrere. Sed nenimum auribus Tuis dedisse videar, aliis hæc commemoranda relinquo, sapientum voce admonitus, *Virtuti laudes post funera rectius persolui, & ab exequiis maius venire nomen.* Illud quidem hac apostrophe efficere conatus sum, vt PERILLVSTRIS & REVERENDISSIME PATRONE, intelligeres, quæ singularia, & maxima in Monachos Ordinis nostri, & meipsum beneficia contulisti, eorum memoriam, non solius Italiæ, amplissimæ quantumvis prouinciæ, finibus concludi, sed omnium nostrum, quotquot S. BENEDICTO nomen dedimus, animo gratissimo recoli, & conseruari.

I N D E X.

S. Adalbertus Episc.	23. April.	58.
S. S. Adeldardus Abas.	2. Jan.	10.
S. Adelbertus.	25. Junij.	90.
S. Adelgundis Ab.	29. Jan.	18.
S. Adelheidis Imp.	16. Decemb.	164.
S. Æmilianus. Ab.	12. Nov.	150.
S. Alcuinus Ab.	18. May.	68.
S. Amalarius Archiep. Card.		172.
S. Amichadus.	30. Jan.	20.
S. Andreas Zoerardus.	1. May.	60.
S. Anselmus Archiep.	11. April.	56.
S. Ansgarius Archiep.	3. Febr.	24.
S. Augustinus Archiep.	26. May.	72.
S. Beda E. D.	27. May.	74.
S. Benedictus Abbas.	21. Martij.	46.
S. Benedictus Martyr.	1. May.	60.
S. Benedictus Martyr.	12. Nov.	148.
B. Berchtoldus Abbas	27. Julij.	176.
S. Bonifacius Archiep. mar.	5. Junij.	78.
S. Bonitus Episc.	15. Jan.	14.
S. Bernardus Abbas	20. August.	114.
S. Carolomannus Rex.	17. Aug.	112.
S. Cassiodorus.		170.
S. Colomannus Episc. mart.	13. Oct.	138.
S. Columbanus Abbas:	21. Nov.	156.
S. Corbinianus Episc.	8. Sept.	120.
S. Deocharus Abbas.	7. Junij.	80.
S. Disibodus Episc.	8. Junij.	82.
SS. Ducenti Martyres.	6. Augusti.	108.
S. Ebba Abbatissa.		174.
S. Eberhardus Archiep.	1. Julii.	92.
S. Ediltreda Regina,	23. Junij.	88.
B. Egino Abbas.	15. Julij.	106.
S. Eligius Episc.	1. Decemb.	158.

S. Elisabeth Ab.	18. Junij.	84
S. Emmerammus Ep. M.	22. Sept.	106
S. Engelmundus Ab.	21. Junij.	86
S. Eulogius M.	11. Martij.	42
S. Florentina.		34
S. Francisca Romana.	9. Martij.	40
S. Fulgentius Episcopus.		34
S. Gerardus Episc. M.	24. Sept.	128
S. Gertrudis Ab.		84
S. Gothardus Episc.	5. Maj.	64
S. Gregorius M. P.	12. Martij.	44
S. Gregorius VII. P.	25. Maj.	70
S. Gregorius Turon.	17. Nou.	152
S. Haimo Episc.	28. Martij.	50
S. Hidulphus Archiep.	11. Julij.	104
S. Hildegardis Ab.	15. Sept.	84
S. Jeron M.	17. Aug.	110
S. Ildesonsus Episc.	23. Jan.	16
S. Ioannes Damasc.	6. Maj.	66
S. Ioscio Roseus.	30. Nou.	168
S. Isidorus Ep.	4. April.	34
S. Iudocus.	13. Dec.	162
S. Kilianus Episc. M.	8. Julij.	102
S. Lambertus Ep. M.	17. Sept.	124
S. Lanfrancus Archiep.	3. Julij.	96
S. Laurentius Archiep.	2. Febr.	22
S. Leander Archiep.	2. Febr.	22
S. Leodegarius Ep. M.	2. Oct.	134
S. Magnus Ab.	6. Sept.	118
S. Maurus Ab.	15. Jan.	12
S. Mechtildis		84
S. Odilo Ab.	1. Jan.	8
S. Odo Ab.	18. Nou.	154
S. Otho Episc.	2. Julij.	94
S. Petrus Damianus.	22. Febr.	32
S. Pirminius Episc.	3. Nou.	144

S. Placidus Ab. M.	5. Oct.	136
S. Procopius Ab.	1. Apr.	52
S. Rabanus Archiep.	4. Feb.	26
S. Reginbaldus Epif.	21. Aug.	116
S. Richardus Rex.	7. Febr.	28
S. Rupertus Ab.	3. Martij.	38
S. Rupertus Ep.	27. Martij.	48
S. Scholastica.	10. Febr.	20
S. Simpertus Epif.	13. Oct.	140
S. Sola Ab.	3. Dec.	160
S. Suibertus Ep.	1. Martij.	36
S. Theodardus Ep. M.	10. Sept.	122
S. Thiemo Archiep. M.	28. Sept.	130
S. Vdalricus Episc.	4. Iulij.	98
S. Walpurga Ab.	1. Maij.	62
S. Wafnulpfus Episc.	1. Octob.	132
S. Wicterpus Ep.	18. April.	54
S. Wilhelmus.	28. Maij.	76
S. Wilibaldus Ep.	7. Iulij.	100
S. Wilibrordus Archiep.	7. Nou.	146
S. Wolfgangus Episc.	30. Octob.	142
S. Wunibaldus Abbas.	18. Dec.	166

S. Wilibrordus Archiep
S. Wolfgangus Episc
S. Wunibaldus Abbas

7 Nou.
30 Decob
18 Dec.

E M E N D A N D A.

pag.	versu.	
4	8	relinqueret.
Ibi	24	quoniam.
5	30	circumierunt.
18	7	lassatas.
26	24	gesserit.
30	3	loco.
ibid.	5	descenderat.
ibid.	13	insomnem.
40	10	panem.
44	20	virtutibus.
48	2	ex Monacho.
52	15	Designatus.
56	29	sanctæ.
64	14	capita.
76	12	offert.
ibid.	20	hibitus.
78	22	ad.
84	4	man.
90	11	consummationem.
102	1	Hybernus.
114	16	incrementa
120	---	118.
121	---	119.
120	17	quæ.
122	2	secessisset.
124	10	eosdem.
126	27	morientis.
134	6	dignitatem.
136	9	regulâ cum.
138	2	Archiepiscopatui.
Ibid.	13	afflictus.
148	21	interfecti.
170	7.	attigit.

SPECIAL 85-B
20754

